




GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY  
AND DEVELOPMENT OF THE  
PEOPLE REPRESENTED BY THE  
ABOVE CHIEFS AND WISE MEN  
THIS COLLECTION HAS BEEN  
GATHERED BY THEIR FRIEND  
EDWARD EVERETT AYER

AND PRESENTED BY HIM  
TO  
THE NEWBERRY LIBRARY  
1911





150.5 - Mokawt

~~421~~

~~27814~~

~~② 407~~

~~1836~~

~~(R)~~





NE NE

## REVELATION

KONWAYATS.



## CHAPTER I.

*John roghyadon ne jiyurihhowanenh adaghseghdonkeh jiro-dokadennyh ji-nonka ne jadaghk t'kanonghsadokenghdy ne Asia, daonderihhoko ne ne jadaghk ojinekwat karistanoron yehhokadodaghk'wa. Ne Keristus ji-nadentre. Raonwe-senghtsera raoshatstenghsera ony yuthonnyenghst deka-renghsaron.*

**NE** neh Jiyurihhowanenh ne jiyudaghseghdanyon ne Yesus Keristus, ne ji-nahhoden ne Niyoh rowyh ne raonhha-keh, ne ne aaghshako-nadonhaghse ne karighwaokon ne rononhhakeh ne shako-nhaseokon ne ne t'kakonde kenniyurighweshah yenwaderighwihhewe eghnen-yawen; neony yahho-nhane ony yaorihhontyense ne raoronghyakeghro-non ji-nonka ne ro-nhase ne *John*:

2 Raonhha adennoserhenh weghyaghraghkwenh ne raowenna ne Niyoh, neony ne thihhorighwakwathowyh ne Yesus Keristus, neony orighwakwekonh ne jirotkaghtthonh.

3 Yakodaghskats naah ne ne enkonwawennaghnodon, neony akaonhha ne ne yakothonde ne owennaokon ne ohhendondh yakariwadenne, (ohhendondh ji-nen-yawen,) neony jaderrighwenhhawa kenkayen karighwaokon ne ji-nahhoden wahhy kaghyadon ne kenhenh: asekenh o-nenh se yuderihhokde.

4 *John* ne ne ji-nonka ne jadaghk t'kanonghsadokenghdionkon ne ne ji-nonweh *Asia*: Kendenron ne isekeh, ony kayanerenh, raonhhakeh tyuyenghdaghkonh ne naah, neony ne na nethoh, neony ne na ne dawe; neony entkayenghdaghkwe ne jadaghk ne Kanikonra ne ne ji-nahhoden kayen ne ohhendoh ne raoshatsstenghsara;

5 Neony ji-nonka ne Yesus Keristus, raonhha naah ne thaweghdaghkonh nyurighwaghnironh, neony ne tyutyerenghdoh thodonkwedatyerenghdoh ne rawenhheyonghne, neony ne rayadanoronkowah ne koraghkowah ne jiyonghwenjade. Raonhha wahhy ne shonkwanoronghk'wa, neony seghshonkwanohhareseh ne onkwarighwaneraaxhera yade-yune-nonh ne raq-nekwenghsa,

6 Neony koraghkowatshon seghshonkyonnyh neony shonkwajihhenghstonnyh ne Niyoh-neh nokhony ne Ro-nihhah; raonhhakeh ne onwesengtsera neony ne ji-nihhokwe-nyatsera ne ji-niyenhhenwe neony ne ji-niyenhhenwe. *Amen.* etho nayawen.

7 Jatkagthoh, dondare otshadakeh, neony niyadekakarakkeh t'kakonde enhhonwatthagtho, neony ro-nonhha shadenyawenne ne ne nenjakodaweyadonh ne raonhhakeh: neony kanonghkweserakwekonh ne jiyonghwenjade t'kakonde enwatsjidoko enkarihonny ne jiraonhha. Etho shadenkadenne. Awent.

8 Iih naah ne jityutyerenghdoh nokhony ne nyekakonde ne noghnaken, ne adaghsawenghtserakoh nokhony ne jiye-yuderihhokde, radon ne Royaner, ne naah, neony ne na nethoh, neony ne na ne dawe, ne Rashatsstenghsarakwekonh.

9 Iih *John*, iih wahhy ony onkwadadekenhah, nokhony shaonkwentyughkwah jiidewe ne jikaronghyakenghsara, neony ne kayanertserakoh neony roronghyakenhoh ne Yesus Keristus, etho kaweghnoghkwaKonh ne ne konwanadonghk'wa *Patmos*, ikenh ne raowenna ne Niyoh, neony ne aoriwa ne rorighwaghniradonh ne Yesus Keristus.

10 Kanikonrakoh Yekeskwe ne raodeghnisera ne Royaner, neony wakathonde aknaken yewennowanen, ji-niyught anyuh ne kahhonrawats,



11 Yondon, lih naah ne Jityutyerenghdonh nokhony ne nyekakonde ne noghnaken, ne tyutyerenghdonh nokhony ne jiyeyuderihhokde: Ji-nahhoden waghstakaghtso, syadonh kaghyadonghserakonh, neony yasadennyeght ji-nonka ne jadaghk t'kanonghsadokenghdiokon ne ethoh *Asia*; ji-nonka ne *Ephesus*, ony ji-nonka ne *Smyrna*, nokhony ne ji-nonka ne *Pergamos*, neony ne ji-nonka ne *Thyatira*, jiony nonka ne *Sardis*, ony ji-nonka ne *Philadelphia*, jiony nonka ne *Laodicea*.

12 Neony Watkatkarhadeny ne ne akatkaghtso ne owenna ne ne waonkewennarane. Nok ji-nenghwatkatkarhadeny, Wakatkaghtso jadaghk oji-nekwar karistanoron yehhokadodaghk'wa;

13 Neony ne shadewaghssennenh ne jadaghk nyehhokadodak'wa enskat akwah ji-niyught ne ne onkweh Ronwayenhah, rotsheronnyadonh kanena raghsikeh yekahhere, neony dehhotyakwaranhenh ne jidehhanondonde ne oji-nekwar karistanoron ne dehhotyakwaranhaghstonh.

14 Rao-nonji-neh ony rao-nonghkwis kenrakenh ji-niyught ne deyudinakarondonhah o-nonghwerhon, anyuh o-nyeghde ji-nikenrakenh; neony ne rakaghdekeh akwah ji-niyught nodonghkwa ne ojire;

15 Neony ne ji-nihhaghsidodenh ji-niyught ne ondah nakaristoden karistiyuh, (*brass*,) akwah ji-niyught ne rontshaaghtha ji-nonweh ne yudekhaonweh; neony ne raowenna ne jirowennoghtha ji-niyught ne yawedowanenh oghnekaokon.

16 Neony jiraweyendeghdaghkonh ne rasnonkeh rahhawe jadaghk nikajistoghkwakeh: neony raghsakonh tyudiyakenhonh dewasharakeh yusharothiye: neony ne ji-nihhakonghsodenh akwah ji-niyught ne karaghkwa deyuderonronde ne raoshatstenghserakonh.

17 Neony ne o-nenh Wahhiyataghtso, jidehhaghsidadenyon Wakatyadondy ji-niyught nakihheye. Nok wathakwennisnonghsaren ji raweyendeghdaghkonh ne rasnonkeh, wahhakwenhaghse, Toghsa saghderon'n; lih nekenhenh ne dewakadonkwedatyerenghdonh ony oghnaken enwakonnyade:

18 Iih wahhy ne konnheghkwe, nok wakenhheyonghne; neony, satkaghtoh, Iih wahhy ne konnhe ne ji-niyenhenwe yaghnnonwendonh thiyeyodokde, Awent; nokhony ikhawe ne ye-nhodonkwaghtha ne o-neghshonh neony ne kenhheyon.

19 Syadonh ne karighwaokon ji-nahhoden waghssatkaghtoh, neony ne ji-nikarihhodense neghkayen, neony ne ji-nikarihhodense ne kenghyenwadaghsawen t'kakonde eghnenyawen;

20 Ne jiyutyadanonh yudaghseghdonh ne jadaghk nikajistoghkwakeh ne ne ji-nahhoden waghssatkaghtoh ne ji-nonka kewayendeghdaghkonh kesnonkeh, neony ne jadaghk ne oji-nekwar ne karistanoron ne yehhokadodaghk'wa. Ne ne jadaghk nikajistoghkwakeh ne na ne karonghyakeghro-non ne jadaghk kanonghsadokenghdiokon: neony ne jadaghk nyehhokadodaghk'wa ne ji-nahhoden waghssatkaghtoh ne wahhy ne jadaghk kanonghsadokenghdy.

---

## CHAP. II.

*Ne ji-nahhoden rawennyh ne enkaghyadonke ne karonghyakeghro-nonk h ne neh, ne radijihhenghstajyh ne jitkanonghsadokenghdy ne Ephesus.*

**J**I-NONKA ne karonghyakeghro-non ne jitkanonghsadokenghdy ne *Ephesus* syadonh; Ken-ikenh karighwaokon radon ne ne rahhawe ne jadaghk nikajistoghkwakeh ne jirawayendeghdaghkonh rasnonkeh, raonhha ne ne shadewagh-sennenh nire ne jadaghk ne oji-nekwar karistanoron nyehhokadodaghkwa;

2 Kyenderyh ne sayudenghsera, nokhony ne saronghyakenghsera, ony saderyendakaryaghtsera, neony oghnenghsyere ne yaghtaesariwarake ne wahhetken: neony nense yetshiyade-nyendenh ne ne rondon ne wahhy ne rodiyadadokenghdy, yaghwahhy nedekenh, neony waakhiyadatshenry rodinowenh:

3 Neony sewarighwenhawe, ony desewaderyendakar-yaghs, neony ne ne iih axhenna aoriwa ne sadaderonghya-kendaghkwenh, neony yaghdesayadakenhheyon.

4 Ethosane nenne ne ji othe-non Deyonke-ninyude, aoriwa ne jidakwarihhontyenseh ne tyutyerenghdonh sanorongh-khwatsera.

5 Ne kady wahhonny seghyarak ka tyuyenghdaghkwenh jisayatye-nenhonh, neony sasadatrewaght, neony ne tyutyu-denghseratyerenghdonh eghnajer; onwa neken Enkon-yadorenne yughsnore, neony erenh ensekhawighde ne shokadodaghk'wa akde enskayakenhhon ne jiro-nakde, nyare ensegh-sadatrewaghde.

6 Nok kennisayerenh, ne ne ightswenghse ne raorigh-waghnirhaghtsera ne *Nicolaitanes*, ne ne I ony ixwenghse.

7 Raonhha ne ne dehhahhonghdonde, raronk kiasa ne jinahhoden ne Kanikonra yeyawenh ne kanonghsadokenghdi-kehhokon; Raonhhakeh ne ne rodenshennyonh Enhhinonde ne karonda ne yonnheonweh, ne ne shadekahheghdikenh ne raodaghskatschera ne Niyoh.

8 Neony ne ji-nonka ne karonghyakeghro-non ne jitkanonghsadokenghdy ne *Smyrna* yasyadonh; Ne ne ken-ikenh karighwaokon ne ne tyutyerenghdonh yehhodewennadadonh nokhony ne noghnaken en-yaonnyade, ne ne rawenhheyongh-ne, neony naah sronnhe;

9 Kyenderyh ne sayudenghsera, nokhony ne saronghya-kenghsera, ony sokon, (nok se satshokowah) nokhony Waka-deryendare ne radirighwayesaghtha ne ro-nonhha ne ne rondon *Jews*-haka nahhadiyadoden, nok se yaghden, nok se dagh-non *Satan* raotyughkwa.

10 Toghsa othe-non setshanik ne ken-ikenh karighwaokon ne ne ji-nenghseronghyaken: jatkaghtoh, ne o-neghshongh-ro-non ne ne t'kakonde otyake ji-nijonh egghyenghshakoyadondy ji-nonweh nenghshako-naghskonny, ne ne kishenh ayetshiyade-nyenden; neony t'kakonde densedonnhakary oeyer niweghniserakeh: kaseghdaghkonnhak kady ne ji-nonka kenhheyon, neony I ih enkon-yon ennonwarore (deyuron-ronde.) ne yonnheonweh.



11 Raonhha ne ne dehhahhonghdonde, kiasa raronk ne ji-nahhoden yawenh ne Kanikonra ne ji-nonka ne kanonghsadokenghdiokon; Raonhha ne ne rodenshennyonh yaghtaatkarewaghde ne ne teke-nihhadont jikenhheyon.

12 Neony ne ji-nonka ne karonghyakeghro-non ne jitkannsadokenghdy ne *Pergamos* yasyadonh; ne ne ken-ikenh karighwaokon rawenh ne ne rosharo thiye nasharekowah deyughyuthiyeghkonh;

13 Kyenderyh ne sayudenghsera, nokhony ne ji-nonweh nighse-nakere, shadeyught ne ji-nonweh *Satan* ne rao-nits-kwaraghk nikayen: neony ne satye-nawaghstonh yughnironh naxhenna, neony yaghdeghsadonnnhiyase nakwawenh ne teweghdaghkonh, shadeyught ne jiweghniserade-nyon ne neken ne *Antipas* ne na nakweghdaghkonghtsera roronghyakendonh ne rawenhheyadonh, ise eghjhisewaryuh sewentyughkwakonh, ji-nonweh ne *Satan* nihhanakere.

14 Nok toghkara niyuriwakeh Wakeriwayen ne isekeh, neony ne ne eghnonweh ne ro-nonhha ne rodirighwawakonh ne ji-nihharihhodenh ne *Balaam*, raonhha rorihhonnyennyh ne *Balak* ne ne yabhokonghretshontyeghson naondahho-naghsityake raodihhendondh ne *Israel* shakoyenhokonhah, ne ne ayeke ne karighwaokon ne ronwenneyonghs ne kayadonnyh konwarighwanekenny, neony ne karighwaneren kanaghkwa.

15 Shadesewayadawenhonh ony ne ro-nonhha ne neh ne ro-natye-nawaghstonh ne ji-nihhorihhhodenh ne *Nicolaitanes*, ne na ne Yaghdekerighwanonwese.

16 Sasadatrewaght; kendenhens kayen nyughsnore yenkon-yadorenne ne isekeh, neony en-yakwaderiyu enkade nasharekowah ne jixhakaronde.

17 Raonhha ne ne dehhahhonghdonde, raronk kiasa ne ji-nahhoden ne Kanikonra yawenh ne ji-nonka ne kanonghsadokenghdiokon; Raonhhakeh ne ne rodenshennyonh Enhhi-nonde ne ne waghseghdonh kak'wanoron, (*manna*,) neony enhhiyon ne kanen-yakenrade, neony o-nen-yakonh kaghya-don ne ne ase kaghseenna, ne ne yahhonghka nonkwew deyakoderyendare ji-neshoyadakwaghdondh ji-ne roye-nah.

18 Neony ne ji-nonka ne karonghyakeghro-non ne jitka-nonghsadokenghdy ne *Thyatira* yasyadonh; Ne ken-ikenh karighwaokon rawenh ne Niyoh Royenhah, raonhha ne rao-kara ji-niyught ne ji-non tyudonghkode ne ojire, neony ne raghsikeh ji-niyught ne ondaghk nakaristoden karistiyuh;

19 Kyenderyh ne sayudenghsera, nokhony nadade-noronh, ony jisadatyudenghse, neony ne teweghdaghkonh, nokhony ne saronghyakenghsera, nokhony ne sayudenghsera; neony ne oghnaken yaonnyadonh ne ne senhha eso daghnon ne ty-utyerenghdonh.

20 Ethosane niyurighwakeah Wakeriwayen nisekeh aori-wa ji-ne-sadaderonghyakendaghkonh nethoh tyuthonwisen *Jezebel*, ne ne wadade-nadonghk'wa yekariwakenghs nissy naoriwadyh, ne nayakorihhonnyen nayakoyadaghdonde ne khe-nhaseokon ne ne aadirighwanerake ne kanaghkwa, ne-ony ne ne aadike ne ji-nikarihhodense ne konwenneyonghs ne ji-nonka ne kayadonnyh konwarighwanekenny.

21 Nok Ke-nakdowanaghdenhyh ne naonsondatreteyaghde ne jikarighwanerax ne kanaghkwa, nok yaghdejodatretewagh-donh.

22 Jatkaghtthoh, Kanakdakeh naonhha yenkyadondy, nok-hony ne ro-nonhha ne naonhha rodirighwaneren ne kanaghi-kwa ji-nonka ne karonghyakendaghxherowanenh, nyaregh-kwe enshondatreteyaghde ne raodirighwaghnirhaghtsera.

23 Nokhony t'kakonde Enkheyawentho nakoyenhokon-hah enkade kenhheyon; neony akwekonh ne o-nonghsado-kenghdiokon en-yakoderyendarane ne ne I ih naah ne ne ke-righwisax ke nikonrare ne konwanyukarenghrakwaghtha neony adonnhets: neony I ih enkheyon jiniyadejonh ne entyu-yanenhhawe ne ji-nisewayudenghserodenh.

24 Nok ne isekeh Kadon, nokhony notyake ne ji-nonka ne *Thyatira*-tserakonh, ji-nikonh ne ne yaghne deyerigh-wenhhawe ne ken-ikenh ji-nikarihhodenh, neony ne ne yagh-deyeyenderyh ne ji-nityutde ne o-nonghkwe-neh ne *Satan*, jiro-nadadyh; Enkwakeghdade yahhothe-non noya thaese-waghwishade.

25 Nok ne ne ji-nahhoden ne nenkaweyennendaonh ne se-watye-nawaghstonh ne ji-nikariwes Tentke.

26 Neony raonhha ne ne rodenshenyonh, nokhony ne rarighwenhawe nakyudenghsera ne yadenhharihghoghsere, raonhhakeh Enhhishatstenghseron ne akaonghwenjakwekonh.

27 Neony raonhha enghshakotsteriste karistajy adennits enrade; ji-niyugt ne ratshedonny o-nawatsta t'kakonde denhhodirise ken-ok nisewase: shaden-yawen ji-niyugt Jiwakye-nah ne Rake-nighnehah.

28 Neony Enhhiyon ne orhonke-neh ojistoghk.

29 Raonhha ne ne dehhahhonghdonde, raronk kiasa ne jinahhoden ne Kanikonra yawenh ne ji-nonka ne kanonghsadokenghdiokon.

---

### CHAP. III.

*Ne karonghyakeghro-non ne jikanonghsadokenghdy ne Sardis wahharighwaeghsten naah.*

NEONY ne ji-nonka ne karonghyakeghro-non ne jitkanonghsadokenghdy *Sardis*-tserakonh syadonh; Ken-ikenh ne karighwaokon ne ji-nihhawenh ne ne royen ne jadaghk Kanikonra ne Niyoh, neony ne jadaghk nikajistokwakeh; Kyenderyh ne sayudenghsera, ne ne saghsennayen ne ne sonnheghkwe, nok senhheyonh.

2 Jatyeghwadak, nokhony kajaghkwisronneh ne karighwaokon ne nen-yurighwadatye, ne ne ensatsheronnyaghkwenthon nenghsihheye: ikenh yaghdewaketshenryonh ne sayudenghsera ne nakaweyennendaonh ne raohhendonh ne Niyoh.

3 Ne kady wahhonny seghyarak ne ji-naawen ne jiwaghsye-na ony sathonde, ne satye-nawaghst, nokhony sasadatrewaght. Ne kady wahhonny doka ne yaghthenghsyeghwadake, Enkon-yadorenne ji-niyugt ne ye-nenghskwaghs, neony yaghdesaderyendare ji-nen-yughwistaeh Nenhenkon-yadorenne.



4 Toghkara ok nisewaghshennakeh shadeyught ony ne *Sardis*-tserakonh ne ne yaghdeyakodadaghkwenyaxhadonh; neony ro-nonhha enskatneh den yakwathahhaghkwe kenra-kenghtserakonh: ikenh eghniyuriwa ji-nihhadiyadodenh.

5 Raonhha ne ne rodenshennyonh, ne shahhayadat ne ken-rakenh enhhotsheronnyadon neony yaghtaonsahhighsennarako ne kaghyadonghserakonh ne yonnheonweh, nok I ih en-kondere-ne ne raoghsenna ne raohhendonh ne Rake-nihhah, neony raodihhendonh ne raoronghyakeghro-non.

6 Raonhha ne ne dehhahhonghdonde, raronk kiasa ne jinahhoden yawenh ne Kanikonra ne ji-nonka t'kanonghsadokenghdiokon

7 Neony ne ne ji-nonweh ne Karonghyakeghro-non ne jitkanonghsadokenghdy ne *Philadelphia*-tserakonh syadonh; Ne ken-ikenh karighwaokon radon ne na ne kanikonghradokenghdy, raonhha ne ne rorighwadokenh, raonhha ne ne ro-yen ne rao-nhodonkwaghtha ne Dawed, raonhha ne ne enhhanhodonko, neony yahhonghka ne onkweh thaonsaye-nhodon; neony aonsaye-nhodon, neony yahhonghka nonkweh thaonsaye-nhodonko,

8 Kyenderyh ne sayudenghsera: jatkaghtoh, erenh yade-konnhohtontyenseh ne sahhendonh, neony yahhonghka ne onkweh thayekweny aonsaye-nhodon: ikenh niyurighwaah nensashatstenghserayen, neony ne satye-nawaghstonh nake-wenna, neony yaghdeghsaddonhiyase nakewenna.

9 Jatkaghtoh, I ih t'kakonde enkheyonny ne ro-nonhha ne ne ronwatkennisaany ne *Satan*, ne ne rondon *Jews*-aka nakwayadoden, nok yaghdense, rodinowenh; jatkaghtoh, Enkheyonny I ih ne ne enthonne nok en-yesarighwaneken sahhendonh jideghsaghsidade-nyon, neony aesewaderyendarane ne ne jiwakyen kwanoronghk'wa.

10 Asekenh ne aoriwa ji-ne satye-nawaghstonh ne owenna ne akeronghyakenghsera, I ih ony enkon-yatye-nawaghste ne jienwadeke ne kaghwistaex ne ne o-nenh ensade-nyenden ne wahhetken, ne ne onghwenjakwekonh niyenkonne, ne ne enhho-nade-nyenden ne naontyenhonweh ne jiyonghwenjade.

11 Jatkaghtoh, yughsnore Tentke: ne nethoh satye-nawaghstonhak ne ne ji-nahhoden sayen, ne ne yahhonghka nonkweh thayeye-na ne sennonwarore, (ne deyuderonronde.)

12 Raonhha ne ne rodenshennyonh I ih ne Enke-nawaaghdonnyade ne raononghsadokenghditserakonh ne ake-Niyoh, neony yaghshekonh thaonsahhayakenne: neony Enkyadon ne raonhhakeh ne raoghsenna nake-Niyoh, neony ne aoghsenna ne jitkanadowanenh ne ake-Niyoh, ne na ne ase *Jerusalem*, ne ne tyutsnenghdonh karonghyakeh tyuyakenhonh ake-Niyoh-neh tyuyenghdaghkonh: neony Enkyadon ne raonhhakeh ne ne ase axhenna.

13 Raonhha ne ne dehahhonghdonde, raronk kiasa ne ji-nahhoden ne Kanikonra yawenh ne ji-nonka t'kanonghsadokenghdiokon.

14 Neony ne ji-nonka ne karonghyakeghro-non ne jitkanonghsadokenghdy ne *Laodiceans* syadonh; Ne ne kenikenh karighwaokon ne yawenh Awent, ne teweghdaghkonh ony orighwiyu jikarighwaghniradonh, ne adaghsawenghtserakonh ne ji-nihhaonnison ne Niyoh;

15 Wakaderyendare ne sayudenghsera, yakhony desawistoh yakhony deyudarihhenh; I ih enkonwistoghde ne denhens enkon-yadarihade.

16 Etho kady niyught ne aoriwa jiyukenhheyonh jisayadarihhenh, neony yaghdesawistoh yakhony desadarihhenh Enskon-yatstike dentkayakenne ne jixhakaronde.

17 Aoriwa ne jisadon, Wakatshokowah naah, nokhony yudeghyaghrontye nakwadaghkwennya, neony yahhothe-non thadewakadonghwenjonyh; nok yaghdesaderyendare ji-nisendenghtkowah, deghsadonnhakaryaghskowah, sendenght, ony degsheronwekonh, saghwaseronjy ony:

18 Konjenhhayen ne ne aaghskninon ne nyukarowanenh jiwade-nyendenh ojirakonh, ne ne aontyesen aondon aonse-satshokowane; neony kenrakenh naonsaghse-ne-nodenne, ne ne aontyesen, aondon yaonsaghsaghwennyyayerine, neony ne neh ne jiyudehha ne jisaghwaseronjy toghsa aonsayesaken; neony ne satkaghroseraght ne wen-ye-niyughjionh, ne ne aontyesen aondon aonsaghskenne.

19 Ji-nikonh ne Khe-noronghk'wa, I ih enkherighwaghten nokhony enkheronghyakende: ne kady wahhonny sadarihhenhhak, nok sasadatrewaght.

20 Jatkaghthoh, I ih ehhikede jikanhokaronde, neony yaskonghrekhoñh: doka onghka ne onkweh enhharonke nake-wenna, neony enhhodenhodonkwaghse ne jikanhokaronde, Yenkadaweyade ne raonhhakeh, neony enskatneh den-yak-yatskaon ne yukaraghskhah ne raonhha, neony en-yake-nikwekonh niñh.

21 Raonhhakeh ne ne rodenshennyonh Enhhinakdothaghse ne ne en-yakyatyen enskatneh niñh ake-nakdadokenghditserakonh, shaden-yawen ji I ih ony wakadenshennyonh, neony yesewakatyen ne Rake-nihhah ne rao-nakdadokenghdi-keh.

22 Raonhha ne ne dehhahhonghdonde, raronk kiasa jinahhoden ne Kanikonra yawenh ne ji-nonka ne kanonghsadokenghdiokon.

---

## CHAP. IV.

*John wahhatkaghtho ne rao-nakdadokenghdy ne Niyoh ne karonghyakonh.*

**O**GHNAKENKEH ne ken-ikenh Shakkaen-yonghkwen-tho, neony, wakatkhaghtho, ne kanhohha yudennhodonkwenh ne karonghyakonh: neony ne dondewennatyerenghde ne jinahhoden Wakathonde akwah ji-niyugt ne jothonrakwadon ne aonkewennaraseronhheke, ne ne wadon, Kasera-thenh kenthoh, neony I ih enkonnadonhaghse ne karighwakon ne neh t'kakonde eghnen-yawen daweyenwaderighwih-hewe.

2 Neony yukondatye Yatkadennikonghraweeghste: neony, wakatkhaghtho, etho kayen ne rao-nitskwaghraghxheradokenghdy karonghyakonh, nok enskat etho rents kwahhere ennitskwaghraghxheradokenghdikeh.

3 Neony raonhha ne ne eghrentskwahhere ne ne denhha-kanerake akwah ji-niyugt ne kanen-yanoron: neony eghyuniyadironh dejoghkwardasedonh ne ennitskwaghraghxheradokenghdy, ne ne o-nakonh nonka akwah ji-niyugt niyade-konnonserakeh wathondiyuh.



4 Neony ne ennitskwaghraghxheradokenghdy jikayen dejoghkwardasedonh wennitskwaghraghxherakeron tewaghshenh nok kayeryh niwennitskwaghraghxherakeh Wakheyatkaghtotho raditskwaghronnyon ne ethoh ennitskwaghraghkneh tewaghshenh nok kayeryh nihhadyh ne ne thodixdenhah eghradideron, kenrakenh nihhontsheronnyaghkodenh; neony ne ro-nennonghwarorokhon oji-nekwar karistanoron.

5 Neony ennitskwaghraghtseradokenghditserakonh eghdedewennirekaraon ony tyuweghrehnhatyese neony owennaokon: neony etho nonweh keghratneh yawen-ye-nadekha ohhaghsera ne ohhendonth ne ennitskwaghraghxheradokenghdy, ne wahhy ne jadaghk ne Rao-nikonra ne Niyoh.

6 Neony ne ohhendonth ne ennitskwaghraghxheradokenghdy eghkanyadarekowah ne owise akwah ji-niyught no-nenyoskon, neony ne shadewaghshennen ne ennitskwaghraghxheradokenghdikeh, neony eghdeyudinenghronnyh ne ennitskwaghraghxheradokenghdy jikayen, kayeryh nikaryudakeh yunatkaghrakade naodihhendonth nokhony naodighnaken.

7 Neony ne tyutyeryudatyerenghdonth akwah ji-niyught ne kenrex, nok ne ne dekaryudakehhadont akwah ji-niyught ne owiraah ne deyunhonskwaronde, nok ne ne aghsenhhdont ji-nikaryudodenh akwah eghnikakonghsodenh ji-niyught ne onkweh, nok ne ne kayerihhadont ji-nikaryudodenh akwah ji-niyught ne kondityese odonnyenh.

8 Neony ne kayeryh nikaryudakeh ji-niyadekondyeh yayak nadekondinerahhontshonde, nokhony yunatkaghrakade: neony yaghdeyunadorishendaty jiweghniserade-nyon ony jiwaghsondade-nyon, kondon, Royadadokenghdy, Royadadokenghdy, royadadokenghdy, Sayaner Niyoh Seshatstenghserakwekonh, neeh ikenh, ony neeh naah, neony neeh naah ne ne dawe.

9 Neony ne o-nenh ken-ikenh kondiryu wahhon-yonwesaghde ony ronwakonnyenghstha ony dehhonwanonghwera-don ne ne eghrentskwahhere ennitskwaghraghxheradokenghdikeh, raonhha ne ne ronnhonweh ne ji-niyenhhenwe neony ne ji-niyenhhenwe,

10 Ne ne kayeryh nok tewaghshenh ne ne thodixdenhah eghdakeh wahhontyadondy raohhendonh ne ne eghrents-kwahhere ennitskwaghraghxheradokenghdikeh, ony ronwarighwanekenny ne ne ronnheonweh ne ji-niyenhhenwe neony ne ji-niyenhhenwe, neony ohhendonh wahhadiyen ne raonennonwarore ne jikayen ne ennitskwaghraghxheradokenghdy, rondon,

11 Jadanoron, O Sayaner, ne ne aesayendane nonwesenghtsera ony yutkonnyenghst nokhony ne kashatstenghsera: ikenh ise saghsen orighwakwekonh, neony ne sadade-nikonghrayeridonh neony ji-nisaghson.

---

## CHAP. V.

*Ne ne jadaghk niyughneghdanendakonh ne kaghyadonghsera.*

**N**EONY Wakatkaghthoh ne jiraweyendeghdaghkonh ne rasnonkeh ne ne eghrentskwahhere ennitskwaghraghxheradokenghdikeh rahhawe kaghyadonghsera kaghyadon ne kaghyadonghserakonh nokhony ne kaghshonneh, jadaghk nadekaghneghdoghrarakonh.

2 Neony Wakatkaghtho ne rokwe-nyatserowanenh ne karonghyakeghro-non rowendeh rarihhowanaghtha, Onghka ne yeyadanoron ne ne aye-nhodonko ne kaghyadonghsera, neony ne ne ayerighsy ne jidekaghneghdoghrarakonh nethoh?

3 Neony yahhonghka ne onkweh ne karonghyakonh, shekonh yaghden ne jiyonghwenjade, yaghden ony ne onghwenjakonh, ayudikwe-nyatserayendake ne nakondinhodonko ne kaghyadonghsera, yakhony thayontkaghtho nethoh.

4 Neony eso Watkaghshenthoh, ne aoriwa jiyaghdeyudets-henryonh ne onkweh nayakokwe-nyon nayako-nhodonkwen ne kaghyadonghsera ne ne akonwawennaghnodon ne kaghyadonghsera, yakhony thayontkaghtho nethoh.

5 Neony shayadat ne thoxdenhah wahhakwenhhaghse, Toghsa desaghsenthoh: satkaghthoh, ne kenrex ne shahhoidarat ne *Juda*, ne na Noghdera ne Dawed, nenrodenshen-nyonh ne ne aanhodonko ne kaghyadonghsera, neony ne enharighsy ne jadaghk nikaghneghdoghrarakonh ne ne thoi-kenh.

6 Neony Wakatkaghtho, ony, watkatkaneren, shadewagh-sennenh ne ennitskwaghraghxheradokenghdy neony ne kayeryh nikaryudakeh, neony ne shadewagh-sennenh ne thodixdenhah, ikade owiraah deyudinakarondonhah akwah ji-niyught nakonwaryuhake, jadaghk nadeyunakaronde nokhony jadaghk niyudikarat, ne wahhy ne jadaghk ne Rao-nikonra ne Niyoh ne yehhodennyeghdonh ne nokthiyonghwenjakwe-  
konh.

7 Neony eghwarawe nok wahhaye-na ne kaghyadonghsera ne ne rahhawe ne jiraweyendeghdaghkonh rasnonkeh ne ne ennitskwaghxheradokenghdikeh rentskwahhere.

8 Neony ne o-nenh watraghkwe ne kaghyadonghsera, ne ne kayeryh nikaryudakeh ony ne kayeryh nok tewaghshenh ne thodixdenhah eghdakeh wahhontyadondy aohhendonh ne owiraah ne deyudinakarondonhah, niyadehhadyh radihhawe karenghsodaryh ne yughthareonweh, neony oji-nekwar karistanoron katsheshonhah kananhon ne kaserakonse, ne na ne rao-naderennayenght ne rodiyadadokenghdy.

9 Neony dehhodirighwaghkwenh ne karenase, rondon, Jadanoron ise ne ne aaghsye-na ne kaghyadonghsera, neony ne ne aaghse-nhodonko ne jidekaghneghdoghrarakonh ne-thoh: asekenh wahhy yesaryughne, neony ne seghshonkwayadakwaghdonh ne rao-nekwenghsa ne ne ji-niyadekanonghk-weserakeh, ony awennaghsonh, ony ne ne onkweh naeyaden, neony niyadeyonghwenjakeh;

10 Nokhony seghshonkwakoraghtseronnyh nokhony shonkwajihhenghstonnyh ne onkwa-Niyohneh: neony en-yakwat-yadakwe-niyughste ne jiyonghwenjade.

11 Neony Wakatkaghtho, neony Wakhewennaronke eso ne karonghyakeghro-non dejoghkwadasedonh ne ennitskwaghraghxheradokenghdy neony ne kondiryu neony nethodixdenhah: neony kennihhadyh oyery niwennyaweeghtseraghshenh yughnanedaryon oyery niwennyaweeghtseraghshenh, neony wennyaweeghtseraghshense wennyaweeghtseraghshense;

12 Rodiwendeght rondonnyon, Kayadanoron naah ne owiraah ne deyudinakarondonhah ne ne konwaryughne ne nakaye-na ne kashatstenghsera, neony natshokowaghsera, nokhony akanikonghraweyendeghdane kanikonghrowanenghtsera, ony ayushatsteke, ony ayutkonnyenghston, ony onwesenghtsera, ony adonnnharaghk.

13 Neony ji-nikonh konnonnhe yakonnhe ne ne karonghyakonh, nokhony nonghwenjakeh, nokhony nonghwenjakonh, nokhony ne ji-nikondiyadodense ne konnese ne kanyadarakonh, neony yekondikwekonh neghkonnese, Wakathonde yondonnyon, Yudaghskats, ony yutkonnyenghst, ony onwesenghdaghk, ony kashatstenghsera, eghniyught ne raonhha-keh ne ne eghrentskwahhere ennitskwaraghxheradokenghdi-keh, neony ne eghnonka ji-nonka ne owiraah ne deyudinakarondonhah ne ji-niyenhhenwe neony ji-niyenhhenwe

14 Neony ne kayeryh nikaryudakeh wakonniron Awent. Neony ne kayeryh nok tewaghshenh ne thodixdenhah eghdakeh waghontyadondy neony ronwarighwanekenny ne ne ronnhonweh ne ji-niyenhhenwe neony ne ji-niyenhhenwe.

---

## CHAP. VI.

**N**EONY Wakatkaghtso ne o-nenh ne owiraah ne deyudinakarondonhah ne wahhanhodonko ne enskat ne jidekaghneghdoghrarakonh, neony Wakathonde, akwah ji-niyught jiyurakaghre naodayuweren, enskat ne kayeryh nikaryudakeh wadonnyon, Karo ony satkaghtsoh.

2 Neony Wakatkaghtso, kenrakenh yakoghsadenghs: neony ne ne rents kwahhere nyakoghsadenghsneh raennenhawe; neony ne ronwawyh nennonghwarotseradokenghdy ne raonhhakeh: neony wahhaghdendy wahhadenshenyonko, neony wahhatkwe-nyonko.

3 Neony ne o-nenh wahhanhodonko ne teke-nihhadont jikaghneghdoghrarakonh, Wakathonde ne dekarudakehhadont wadon, Karo ony satkaghtsoh.



4 Neony wakayakenne shekonh oya nyakoghsadenghs o-nekwenghdara nikayadodenh: nokhony ronwashatstenghserawyh ne raonhhakeh ne ne rents kwahhere ne yakoghsadenghsneh ne ne aonsahhaye-na ne kayanerenh ne jiyonghwenjade, neony ne ne daondadawentho: neony ronwawyh ne raonhhakeh ne asharekowah.

5 Neony ne o-nenh wahhanhodonko ne aghsenhhadont jidekaghneghdoghrarakonh, Wakewennaronke ne aghsenhhadont nikaryudakeh wadon, Karo ony satkaghtoh. Neony Wakken, wakataghtoh kahhonjyh nyakoghsadenghs; neony raonhha ne ne rents kwahhere nyakoghsadenghsneh rahawe yonde-nyendenghstha ne rasnonkeh.

6 Neony Wakhewennaronke aodinenhher<sup>1</sup> enh ne kayeryh nikaryudakeh yondon, Wade-nyendenh ne ennekery skaristat ji-niyuriwa, nok aghsenh jiwade-nyendenh ne ne oya niwennekerodenh yejijonnyatha skaristat ji-niyuriwa; neony satkaghtoh ensakarewaghde kenh yaghne ken-ye ony ne *wine*.

7 Neony ne o-nenh wahhanhodonko ne kayerihhadont jidekaghneghdoghrarakonh, Wakewennaronke ne kayerihhadont nikaryudakeh wadon, Karo ony satkaghtoh.

8 Nok Yatkyadoreghde, neony Wakataghtoh thiweghsenrade nyakoghsadenghs: neony ronwayats ne ne rents kwahhere ne yakoghsadenghsneh ne na Noghre-nis, (Kenhheyon,) neony Oneghshonh ne roghnonderatye nikwekonhatye. Nokhony ne kashatstenghsera ronwanawyh ne ne rononhhakeh ne ne kayerihhadont jideyudekhaghsyonh ne jiyonghwenjade, ne nenghshakodiryu asharekowah en-yade, ony engshako-nonghkaryake, neony enke-ne ne kenhheyon, ony yenkakwekde ne kondiryu ne jiyonghwenjade,

9 Neony ne o-nenh wahhanhodonko ne wiskhadont jidekaghneghdoghrarakonh, Wakataghtoh o-nakonh ne jiyeyadaraghstha ne rao-nadonnhetshokon ne ne ronwanawenthonh aoriwa ne raowenna ne Niyoh, neony ne yurighwaghnirats-taghkonn ne ji-nahhoden ro-natye-nawaghstonh:

10 Neony wathodihhenreghe rodiwendeght, rondon, Donenwe, O Sayaner, sayadadokenghdy ony orighwiyu, yaghkenh ise thaaghshejenhhayen aaghsheghrewaghde nonkwaghnekwaghsa ro-nonhhakeh ne ne ye-nakere nonghwenjakeh?

11 Neony kenrakenh niwaghkwennyodenh yuthonn-yenghst dekarenghsaron ne ronwanawyh niyadehhadyh; neony ronwennennyh ne ro-nonhhakeh, ne ne ao-nonrishendane shekonh niyurighwaah jiyuweyenstonh, ne ji-nikariwes jienskat jithonwadiwenniyu ony nokhony ne rondadekenhah, ne ne aonwadiryu ne jieghnihhadiyadodenh, ne naondakarighwayerine.

12 Neony Dekkanere ne o-nenh wahhannhodonko ne vaghyakhadont jidekaghneghdoghrarakonh, neony, wakatkaghtho, kowanenh watyaonghwenjishonghkwe; neony ne karaghkwa wakahhonjine ji-niyugt kayare-onyadara ne o-nonghwerhon, nok neh eghnida ji-niyugt anaawen o-nekwenghsa;

13 Neony ne ojistogghkhokon ne karonghyakeh donsenne onghwenjakeh wakakeghrondane, shaden-yawen ne ji-niyugt ne jokaghreghdese karonda eghdakeh enwatyonhhake arekho thiyeyuderighwihhewyh nayughyanyondake, ne o-nenh nok na waowerowanaghde wakonwayondawede.

14 Neony ne karonghyakeh erenh wahheghde ji-niyugt nyaonthonrodakwe-nonny wadokenh enskatneh; neony akwekonh ne yunonde-nyon nokhony ne kaweghnodon dakondon-neke ne ji-nonweh niyudinakde-nyonghkwe.

15 Neony ne koraghkowatshon ne jiyonghwenjade, neony ne radikowanenghse, nokhony ne ro-natshokowase, neony ne thadighsennakwe-niyuse, neony ne rodishatstenghserowanenghse, neony akwekonh ne ne ro-nadatkarayendaghkwenh, nokhony akwekonh ne ne rondadewenniyu, wahhondaghseghde ne jiyughshonwe-nyon neony otstenghrokonh ne jiyunondowanenghse;

16 Neony wahhonnenhhaghse ne yunondowanenghse neony ne jideyutstenghre-nyon, Dakwarhorok, ony dakwayadaghseght ne jithakonghsonde ne ne rents kwahhere nennitskwaghraghxheradokenghdikeh, ne jientkayenghdaghkwe ne kanak'wenghtsera ne ne owiraah ne Deyudinakarondonhah:

17 Asekenh wahhy wegghuiserowanenh onwe ne rao-nak'wenghtsera; neony onghka en-yekweny en-yedake?

## CHAP. VII.

**NEONY** ne oghnakenkeh ne ken-ikenh karighwaakon  
 Nenshakheyatkaghtho ne kayeryh radironghyakeghro-  
 non radikennyade ji-nonweh ne kayeryh nikanetsker ne ji-  
 yonghwenjade, thodiye-nawakonh ne kayeryh oweronh ne  
 jiyonghwenjade, ne ne yaghthaonsakaweraren ne jiyongh-  
 wenjade, yahhony ne kanyadarakeghkowah, yahhony ne ji-  
 yuderondonnyh.

2 Neony oya are Sahhiyatkaghtho ne raronghyakeghro-  
 non dakhokedoghde jitkaraghkwinekense, rahhawy ne deh-  
 haghneghdoghrraraktha ne ne ronnheonweh ne Niyoh: ne-  
 ony dehhohhenreghdane rowendeght ne ro-nonhhakeh ne  
 kayeryh radironghyakeghro-non, ro-nonhhakeh wahhy ron-  
 wanawyh nenhhadinonghwakdaden ne onghwenja neony ne  
 jikanyadarowanenh,

3 Radonne, toghsa skarewaght ne onghwenja, yahhony ne  
 kanyadarakeghkowah, yahhony ne karondaokon, ji-nenwe  
 nyare den-yethighneghdorake ne radikenkwarakeh ne sha-  
 ko-nhaseokon ne onkwa-Niyoh.

4 Neony Wakathonde ne ji-nihhadyh ne ne wathonwa-  
 dighneghdorake: neony kennihhadyh wennyawe nok ka-  
 yeryh niwaghshenh ony kayeryh niwennyaweeghtseragh-  
 shenh ne kaghnekwaghsakwekonh ne shakoyenhokonhah ne  
*Israel.*

5 Ne shahhodidarat ne *Juda* ne nathonwadineghdorake  
 tekenyh yawenre niwennyaweeghtseraghshenh. Ne ne shah-  
 hodidarat ne *Gad* ne nathonwadighneghdorake tekenyh  
 yawenre niwennyaweeghtseraghshenh.

6 Ne ne shahhodidarat ne *Aser* ne nathonwadighneghdo-  
 rarake tekenyh yawenre niwennyaweeghtseraghshenh. Ne  
 ne shahhodidarat ne *Nephtalim* ne nathonwadighneghdora-  
 rake tekenyh yawenre niwennyaweeghtseraghshenh. Ne ne  
 shahhodidarat ne *Manasses* ne nathonwadighneghdorake  
 tekenyh yawenre niwennyaweeghtseraghshenh.

7 Ne ne shahhodidarat ne *Simeon* ne nathonwadighneghdorarake tekenyh yawenre niwennyaweeghtseraghshenh. Ne ne shahhodidarat ne *Levi* ne nathonwadighneghdorarake tekenyh yawenre niwennyaweeghtseraghshenh. Ne ne shahhodidarat ne *Issachar* ne nathonwadighneghdorarake tekenyh yawenre niwennyaweeghtseraghshenh.

8 Ne ne shahhodidarat ne *Zibulon* ne nathonwadighneghdorarake tekenyh yawenre niwennyaweeghtseraghshenh. Ne ne shahhodidarat ne *Yosep* ne nathonwadighneghdorarake tekenyh yawenre niwennyaweeghtseraghshenh. Ne ne shahhodidarat ne *Benjamin* ne nathonwadighneghdorarake tekenyh yawenre niwennyaweeghtseraghshenh.

9 Oghnakenkeh ne ken-ikenh Nenshakatkaghtho, neony, wakatkgaghtho, yutyughkwatshanyh, ne ne yahhonghka nonkweh thayekweny nayonrade, ne nakaonghwenjakwekonh, neony kanonghkweokon, neony ne onkwehhokon, ony awennaghsonhhokon, wathadidane ohhendondh ne ennitskwaghraghxheradokenghdy, ony aohhendondh ne owiraah ne Deyudinakarondondhah, kenrakenh nionghkwennyodenh, neony dehhadineughrenhhawe; (ne *psalm*;) )

10 Neony dehhodihhenregghtha rodiwendeght, rondon, Rodaghskatshonweh ne onkwa Niyoh ne ne rentsqwahhere ne ennitskwaghraghxheradokenghdikeh, neony ne ji-nonka ne owiraah ne Deyudinakarondondhah.

11 Neony radironghyakeghro-nontserakwekonh eghdeh-hodinenghronnyh ennitskwaghraghxheradokenghdikeh, ony dehhonwadineghronnyh ne thodixdenhah neony ne kayeryh nikaryudakeh, neony eghdakeh yakhontkonghsayen ohhendondh ne ennitskwaghraghxheradokenghdikeh, neony ronwarighwanekenny ne Niyoh,

12 Rondon, Awent: Adonnharaghk, ony onwesenghtsera, neony kanikonghrowanenghtsera, ony yondonghratha, neony yutkonnyenghst, nokhony kashatstenghsera, neony jiyushats-te, akenhake onkwa Niyoh-neh ne ji-niyenhhenwe neony jiniyenhhenwe. Awent.

13 Neony shayadat ne thodixdenhah dahharighwaserako, wakhakwenhhaghse, Oghnahhoden neken ne ken-ikenh ne jini-nikakwadakwenh ne kenrakenh nihhadine-nodenh? neony kanondahhonne?



14 Neony Wahhiyenhaghse, Watkonnonweron, sader-yendare wahhy. Neony sahhenron nihi-neh, Ro-nonhha wahhy ne ne dethodiyakenhoh ne jitkanonghwakdenghse-rowanenh, neony skanohhareh ne raodine-na, neony shonwadirakenghstonh rao-nekwenghsakonh nowiraah ne Deyudinakarondohbah.

15 Ne kady waghonny wahhy ro-nonhha ohhendoh ne rao-nitskwaghraghxheradokenghdikeh ne Niyoh, ronwayudenghse kenwende ok yewaghsondare ne rao-nonghsadokenghditserakonh: neony raonhha ne ne eghrentkwahhere ennitskwaghraghxheradokenghdikeh t'kakonde yenhhatyen sewentyughkwakonh.

16 Yaghshekonh thaonsahhondonghkaryake, yakhony shekonh thaonsahhodinyadathen; yakhony karaghkwa tha-daonsahhodighswathede, yakhony thaonsahho-nadarihhen.

17 Ikenh ne owiraah ne Deyudinakaronhah ne ne shadewaghssennenh nihhenderon ne ennitskwaghraghxheradokenghdikeh ne na engshako-nonde, nokhony ne engshakoghsharine ji-nonka ne yonnheonweh tyughnawerinekenhoh ne oghnekaokon: neony ne Niyoh t'kakonde akwekonh engshakokaghserokewanyon.

## CHAP. VIII.

*Ne ne nengshahhanhodonko ne jadaghk nadekaghneghdoghrarakonh.*

**N**EONY ne o-nenh shahhanhodonko ne jadaghk nadekaghneghdoghrarakonh, ethone saghk ondon shade-waghssennenh jikaghwistaex ji-nikariwes ne karonghyakonh.

2 Neony Wakatkaghtho ne jadaghk radironghyakeghron ne ne eghradikennyade raohhendoh ne Niyoh; neony ronwanawyh ne ro-nonhhakeh ne jadaghk nikahhonrawats-herakeh

3 Neony oya are ne raronghyakeghro-non warawe ony eghwathadane jiyeyadaraghstha, rahhawy kerat ojinekwar karistanoron; neony wahhy eso ronwawyh ne raonhhakeh ne kaserakon, ne ne raonhha ashakohheghse ake-ne ne aderenayenh ne akwekonh ne rodiyadadokenghdiokon neethoh ne jioji-nekwar karistanoron jiyeyadaraghstha ne na ne ohhendoh ne jiwennitskwaghraghxheradokenghdy.

4 Neony ne oyenkwara ne kaserakon ne ne daweghde ike-ne ne rao-naderennayenght ne rodiyadadokenghdy, wahatharadade raohhendoh ne Niyoh watho-nyoghsere ne karonghyakeghro-non.

5 Neony ne raronghyakeghronon watraghkwe ne kerat neony wahhanaghne ne ojire eghdahharako ne jiyeyadaraghstha, neony yalhody ne jiyonghwenjade: neony etho owennaokon, neony yuweghrenhhatyese, neony dewennerekaraon, neony deyaonghwenjishongh'wa.

6 Neony ne jadaghk radironghyakeghro-non ne ne radihawe ne jadaghk nikahhonrawatsherakeh rodirhare naonderakareraghste.

7 Ne ne dontyerenghde ne raronghyakeghro-non yalhahonrawade neony akwah ok yughnoderatye wakaghshekwaghdarenne ojire dekontyeghstonh o-nekwenghsa, neony ne dahho-nady ne onghwenjakeh neony ne aghsenhhadont yejokenbah ne karondaokon ontsha wakajenhhendane, neony akwekonh nohhondeshonbah ontsha wakajenhhendane.

8 Neony ne teke-nihhadont raronghyakeghro-non yalhahonrawade, neony akwah ji-niyught ne ayunondowanen ayudekane ne ojire yakayendane etho kanyadarakeghkowah: neony ne eghsenhhadont yejokenbah ne kanyadarakeghkowah o-nekwenghsa ondon;

9 Neony ne aghsenhhadont yejokenbah ne ne ji-nikaghson ne ji-nikonnonnhe-nyon ne kanyadarakonh konnese, ony konnonnheghkwe, wakonnihheye; nokhony ne aghsenhhadont yejokenbah ne kakhonweyakowatshon etho wakonghdon. (wakonwanaghdonde.)

10 Neony ne aghsenhhadont ne raronghyakeghro-non yahhahhonrawade, neony donsenne ne ojistoghkkowah ne karonghyakeh, yudekane akwah ji-niyught nohhaghsera yawen-ye-nadekha keghratneh, neony ne wao-nasenne ne aghsenhhadont yejokenhah ne jikayhonhhade-nyon, neony ne jiyughnawerodon;

11 Neony ne aoghsenna nojistok konwayats yeyenthoghta yuthondatskara: neony ne aghsenhhadont yejokenhah ne ne oghnekaokon waotskaradane; neony yawedowanenh ne onkwehhokon ne waakoryu ne oghnekaokon ne aoriwa ne waotskaradane.

12 Neony ne kayerihhadont raronghyakeghro-non yahhahhonrawade, neony ne aghsenhhadont yejokenhah ne karaghkwa wakenhheye, neony ne aghsenhhadont yejokenhah ne eghnida, neony ne aghsenhhadont yejokenhah ne ojistoghhokon; etho naawen ne aghsenhhadont yejokenhah dayunakaraghwe, neony ne eghnisera yahhaghsenhhadont yejokenhah thadejoghsathedonh, neony ne aghsonda shatyawen.

13 Neony Wakatkaghtho, neony wahhiwennaronke ne raronghyakeghro-non ratye wathadonkoghdde ne shadewagh-sennen ne karonghyakeh dehhohhenreghdane rowendeght radonne, Kanonghwakdenghsera, kanonghwakdenghsera, kanonghwakdenghsera, ne ji-nonka ye-nakeronnyon ne jiyonghwenjade ne tyuriwa ne oya nowennaokon ne kahhonrawats ne ne aghsenh ne radironghyakeghro-non, ne ne wahhy shekonh yenshadihhonrawade!

---

## CHAP. IX.

**N**EOONY ne wiskhadont ne raronghyakeghro-non yahhahhonrawade, neony Wakatkaghtho ojistoghk donsenne karonghyakeh etho onghwenjakeh: neony raonhhakeh ronwawyh ne ye-nhodonkwaghtha ne o-nonghkwe-neh no-neghshonh.

2 Neony wahhanhodonko no-nonghkwe-neh no-neghshonh; neony etho dakayenkwarinekenne o-neghshonh, ne jidakayenkwaroden ne kowanenh dewadonnhakaryenh; neony ne karaghkwa nokhony ne ojire dayunakaraghiwe ne tyuriwa ne jidakayenkwaroden ne o-neghshonh.

3 Neony eghdakondiyakenne ne jiyutyenkwaronnyh kwen-yuh onghwenjakeh watkondidane: neony ne o-nonhhakeh wakonwadishatstenghserawyh, ne en-yakodironghyakende ne okwire ne jiyonghwenjade ne yushatstenghserayen

4 Neony wahhy konwadirighwawyh ne ne yaghtthayakodikarewaghde ne yuhhondare ne onghwenjakeh, yakhony ne niyeyuhhondodense, yakhony ne karonda; ne ok daghnon ne thoikenh onkwehhokon ne ne yaghtthadehhoghneghdoghhrakonh ne Niyoh ne ekenkwarakeh.

5 Neony ro-nonhhakeh wahhy ronwanawyh ne ne yaghenne thashakodiryu, ok daghnon enhhonwadironghyakende wisk niweghndidakeh: neony ne rao-naderyendakaryaghtsera ne jidewaderyendakaryenh ne kanonghwakdenghsera, ne o-nenh enghshakoyenghde ne onkweh.

6 Neony ne jiweghnuiserade-nyon ne t'kakonde ne onkwehhokon en-yakesake ne kenhheyon, nok t'kakonde yaghtthayetshenry; neony t'kakonde den-yakodonghwenjoghse naya-ihhey, nok en-yunadekwen t'kakonde ne kenhheyon ne ronnhhakeh.

7 Neony ne ji-nikondiyadodense ne kwen-yuh akwah jiniyugt ne yakoghsadenghshokon ne ne watsheronnyaghkwenthonh ne nakonderiyu; neony ne aodinonjineh akwah jiniyugt nayunennonghwaroron ne karistanoron oji-nekwar, neony ne ji-nikondikongh odense eghnikondikonghsodense jiniyugt ne onkwehhokon.

8 Neony eghnihhodinonghkwiserodense jiniyudinonghkwiserodense ne tyunathonwisen, neony ne ji-nikondinawirodense anikondinawirodense jiniyugt ne kenrex.

9 Neony ne radihhawe ne deyonnyadatstha ne ronmentskwe-nakeh, akwah jiniyugt ne deyonnyadatstha ne ronmentskwe-nakeh anyoh karistajy; neony ne jidekondinerahhontshakarere akwah jiniyugt jini-karitstodenh ne yawedowanenh kasereghkhokon dewatkarhade-nihhon ne ne yonderiyughtha kasereh ne akondisere ne yakoghsadenghshokon nok dakonraghdade ne ne konderiyughdere.



10 Neony radidaghsondon ji-niyught ne kanonghwakdenghsera ne okwire, neony deyako-naweeghstha yakodinererhohharhoghs kondidaghsakonh: neony ne raodishats-tenghsera ne ne enghshakodikarewaghdanyon enghshakodiyadakwarashon ne onkwehhokon wisk niweghnidakeh.

11 Neony rodiyen ne koraghkowah ne ro-nonhha, ne na ne raronghyakeghro-non ne neh o-nonghkwe-neh no-neghshonh, raoghsenna ne ne *He' rew* ji-niyewennodenh *Ataddon*, nok ne *Greek* ji-niyewennodenh roghsennayen *Apollyon*.

12 Enskat ne kanonghwakdenghsera ondohhetste; neony, wakatthagtho, onwe shekonh dekanonghwakdenghserakeh kenghyenwadaghsawen.

13 Neony ne yaghyakhadont ne raronghyakeghro-non yahhahhonrawade, neony Wakhewennaronke dakayenghdaghkwe ji-nonka ne kayeryh kashatstenghsera ne oji-nekwar karistanoron ne jiyeyadaraghstha ne na ne raohhendonth ne Niyoh,

14 Radonne ne ji-nonka ne yaghyakhadont raronghyakeghro-non ne ne rahhawe ne kahhonrawats, Sheghnerenghsyh ne kayeryh radironghyakeghro-non ne ne radinerenh ne kayhonhhakowanenghtserakonh *Euphrates*.

15 Neony ne kayeryh radironghyakeghro-non wahhonwadighnerenghsy, ne ne kaweyennendaonh watsheronnyaghkwenthonh ne enskat jikaghwistaex, ony seweghniserat, ony seweghnidat, ony joghserat, ne ne ashako-nawenthon ne aghsenh yejokenhah ne onkwehhokon.

16 Neony ne ji-niwaghratshera ne kentyughkwa ne ronderiyughs ne yakoghsadenghsneh ronnikswahherha tekenyh dewennyawc niwennyaweeghtseraghshenh niwennyaweeghtseraghshenh: neony Wakathonde ne ji-niwaghratsherodenh ne ji-nihhadyh.

17 Neony etho Wakatthagtho ne yakoghsadenghshokon ne jiyudaghseghdonh, neony ro-nonhha ne ne raditskwahhere, rodiyen ne deyonyadatstha ne ronnentskwe-nakeh ne ojire, (neony ne jaiinth,) neony yunen-yadex: neony ne ji-niyudinonjistodense ne yakoghsadenghshokon akwah ji-niyudinonjistodense, ne kenrex; neony kondighsakonh tyujirinekenhonh ony tyuyenkwarode ony yunen-yadex.

18 Ne ne ken-ikenh aghsenh ne na naghsenhhadont yejo-kenhah ne onkwehhokon waakoryu, ne ojire, ony ne oyenkwara, neony ne yunen-yadex, ne ne tyudiyakenhcnh ne kondighsakonh.

19 Asekenh ne aodishatstenghsera ne kondighsakonh, neony ne aodidaghsakonh: ikenh akwah ji-nikondidaghsodense ji-niyugt ne o-nyare, nok yudinonjistonde, neeh nyakodinonghwakdadenny.

20 Neony ne nahho-nadadenre ne onkwehhokon ne ne yaghne ne dehhodiryuonh ne ken-ikenh aderyendakaryaghtsera nok shekonh yaghdesbo-nadatrewaghdonh ne raodiyudenghsera ne radisnonkeh, ne ne yaghne thaadirighwaneken ne o-neghshonghro-non, neony ne kayadonnyh ne oji-nekwar karistanoron, ony karistanoron, neony ondah nakaristoden, ony o-nen-ya, nokhony ne oyende nahhoden: ne ne yaghdekaken, yakhony dewaghronkha, yakhony dewese:

21 Yakhony desho-nadatrewaghdonh ne jishakodiryuh ne ro-natswadonh, yakhony ne rondaennaraghs, yakhony ne ro-dirighwaneren ne kanaghkwa, yakhony ne ye-nenghskwaghs.

---

## CHAP. X.

**N**EOONY Wahhiyatkaghtho thihhade ne raronghyakeghro-non ne ne rokwe-nyatserowanenh dahhatsnenghde ne karonghyakeh, rotsheronnyadonh otshada nok yunhiyadironh ne rao-nonji-neh, nok neh ji-nihhakonghsodenh akwah ji-niyugt ne karaghkwa, neony ne raghsikeh anyoh kanawaagha da ojire:

2 Neony rahhawe rasnonkeh kennikaghyadonghseraah kanhodonkwenh: neony yahharadane ne jiraweyendeghdaghkonh ne raghsikeh etho kanyadarakeghkowah, nok neh shanekwadyh ne raghsikeh onghwenjakeh rarade,

3 Neony wathohhenreghe rowendeght, akwah ji-niyugt ne kenrex watyuhhenreghe, neony ne o-nenh shathohhenreghe, jadaghk ne kondiweraghs dahhowennoko ne aodiwennaokon.

4 Neony ne o-nenh ne jadaghk ne radiweraghs yahhadi-wennendane ne raodiwennaokon, Nenshiyadonne: neony Wakhewennaronke karonghyakeh dondewennayenghdaghkwe waonkwenhhaghse, desneghdorarak ne ken-ikenh karighwaokon ne ne jadaghk ne radiweraghs ne jiyurakaghre, neony toghsa ne syadonh.

5 Neony ne raronghyakeghro-non ne Wahhiyatthaghtho irade kanyadarakeghkowah nokhony onghwenjakeh wahhen-nisnonghsaketsko karonghyakeh nonka,

6 Neony yurighwaghnironh jitokenghske ne raonhhakeh ne ne ronnhonweh ne ji-niyenhhenwe neony ji-niyenhhenwe, raonhha roghson ne karon-ya, neony ne ji-nahhodenshon ne ne eghkayen, neony ne onghwenja, neony ne ji-nahhodenshon ne ne eghkayen, neony ne kanyadarakeghkowah, neony ne ji-nahhodenshon ne ne ji-nahhoden neghkayen, ne ne yaghdekarighwakatste:

7 Nok ne neghniserakonh ne ruowenna ne jadaghkhadont ne raronghyakeghro-non, ne o-nenh enthadaghsawen ne yenh-hahhonrawade, ne jiyudaghseghdanyon no-nakonh ne Niyohneh enwadeweyennendane, ji-niyugt jishakorihhowanaghdennyh ne shako-nhaseokon ne nyehhadiriwakenghs nissy naoriwadyh.

8 Neony ne owenna ne Jiwakathonde karonghyakeh dondewennayenghdaghkwe shekcnh are sayonkwenhhaghse, ony wairon, waghnyoh ony je-nah ne nikaghyadonghseraah ne ne dekadakarawenh kanhodonkwenh naah ne rasnonkeh ne raronghyakeghro-non ne ne irade jikanyadarakeghkowah nokhony rarade ne onghwenjakeh.

9 Neony Eghwakeghde ji-nonka ne raronghyakeghro-non, neony wahhiyenhhaghse, Dakonh ne nikaghyadonghseraah. Neony wahhenron niih-neh, Je-nah, neony sadek-wisa; neony t'kadonde ne sanekwenda en-yutskaradane, nok t'kakonde ne jitshakaronde eghnen-yawekonne ji-niyugt ne jix kondijikhedonny.

10 Neony Wakye-na ne kennikaghyadonghseraah ne ne rahhawaghkwe ne raronghyakeghro-non ne rasnonkeh, neony nenwakek-wendaonh; neony akwah anaawen ne xhakonh ne ji-niyawekon ji-niyugt ne jix kondijikhedonny: neony akwah ne ok Wakekonhhatye, ke-nekwendakeh waotskaradane.

11 Neony wahhakwenhhaghse, T'kakonde are yenghse-riwakon nissy naoriwadyh yawedowanenh akohhendoneh ne onkweh naeyadoden, neony niyadeyakaonghwenjakeh, neony awennaghsonhhokon, neony koraghkawatshon.

---

## CHAP. XI.

NEONY dayonkon oghstyendane akwah ji-niyught nadenits: neony ne raronghyakeghro-non irade, radon, Satketskoh, nok sade-nyendenh ne rao-nonghsadokenghdikowah ne Niyoh, nokhony ne jiyeyadaraghstha, neony ro-nonha ne ne ronwarighwanekenny ne ethoh

2 Nok ne jiyunonghsonde ne jiyondaweyadaghk'wa ne ne yaghdekayadare ne o-nonghsadokenghdikeh atsteh nenne en-watyeghdon, neony toghsa nenne sade-nyendenh; asekenh wahhy ro-nonhhakeh nenne ronwanawyh ne nyaghdehhodi-Niyoh-serayen: neony ne jikanadadokenghdikowah t'kakonde denhhonwanaraghsidakenseraghkwe enhhonwadiradane kayeryh niwaghshenh nok deweghnidakeh.

3 Neony I ih enkheshatstenghseron ne ji-nonka tekenyh akerighwaghniirhaghtsera, neony t'kakonde yenhhadiriwaken nissy naoriwadyh oery tewennyawe tekenyh tewennyawe nok yayak niwaghshenh niweghniserakeh, enhho-natsheron-nyadon nyaoka

4 Ne neken wahhy ne dekarondakeh ne *olive*, neony ne tekenyh nyehhokadodaghk'wa kanyode raohhendoneh ne Niyoh ne onghwenjakeh.

5 Neony doka onghka ne onkweh ne aonwadikarewaghde, entkenjirinekenne kondighsakonh, neony enhho-naghdonde ne ronwadighswenghse: neony doka onghka ne onkweh ne ne aonwadikarewaghde, kenkady nenne nennhoyadawen t'kakonde enhhonwaryu.



6 Ne ne ken-ikenh rodishatstenghserayen nenhhadinhodon ne karonghyakeh, ne ne yaghtaonsayukennore ne eghnise-rakonh ne raodirighwatheghtsera: neony rodishatstenghserayen nenthonnonghdon ne oghnekaakon ne o-nekwenghsa enwadon, neony ne naonghdonde ne jiyonghwenjade ne ader-yendakaryaghxherakwekonh, ji-nen-yutkadeke thihhadiwen-niyu.

7 Neony ne o-nenh enhhadiweyennendane ne raodirihho-wanaghtsera, ne ne kondiryu ne ne tyudiyakenhonh ne o-nonghkwe-neh ne o-neghshonh ne entkondirighwaketsko aderiyughsera denhhadighnyoden ro-nonhha, neony t'kakonde enhhonwadishenny, ony enhhonwanawentho.

8 Nok ne raodiyerondakenhha ehhenkayendake jidekanadokenhhatye ne jikanadowanenh, ne ne kanikonghrakweniyu ne na konwanadongh-kwenh *Sodom* ony *Egypt*, etho nonweh ony ne Eghjhidewayaner nadehhonwayendanhare.

9 Neony ro-nonhha ne ne onkweh naeyadoden neony on-dennoronshon neony awennaghsonhhokon neony niyade-yonghwenjakeh t'kakonde enshontkagtho ne raodiyerondakenhha aghsenh niweghniserakeh nok shiyadesewaghssen-nenh, neony yaghthadaondade-nikonrharen ne raodiyerondakenhha ne ne jiyondatyadadaaghssta yaadiyen.

10 Neony ro-nonhha ne ne onghwenjakeh radinakere enh-honwanadonnharen, neony enhhondakaridade, neony denhhondadadennyeghdase adadawyh niyadebhadyh yadenka-nenghrokden; asekenh ne aoriwa ken-ikenh deghnonkwe-dakeh yeghniriwakenghs nissy naoriwadyh ne ronwadi-ronghyakendonh ne ne onghwenjakeh radinakere.

11 Neony ne oghnakenkeh ne aghsenh niweghniserakeh nok shadewaghssenenh ne Kanikonra ne yonnheonweh Ni-yoh-neh daweghde enhho-natyenhaghse, neony wathadidane; neony wahho-nasenne kowanenh kaghderonghxhera ne ne wabhontkagtho.

12 Neony wabhonronke karitstowanenh ne karonghyakeh yondonnyon ne ro-nonhhakeh, Kase-nirathenh kenthoh. Neony wabhontharadade karonghyakeh nonka etho otshada-konh; neony ne ne ronwadighswenghse wabhonwadiken.

13 Neony ne shakat jiwade ne jikaghwistaex etho kowanenh watyaonghwenjishonghkwe, neony ne oyerihhadont yekenhah ne jikanadayen eghdakeh wakayendane, neony ne jiwatyaonghwenjishonghkwe waakowentho ne onkwehho-kon jadaghk niwennyaweeghtseraghshenh: neony shekonh yudadenronh ne nyuderihhokde sewadokenghs ne jideyuder-yentharah, (kaderonghxhera,) neony eghjhijonwesaght ne Niyoh-neh ne karonghyakeh.

14 Ne ne teke-nihhadont naderyendakaryaghxhera nen-yuderihhonkoghdonh; neony, jatkaghtoh, ne ne aghsenh-hadont naderyendakaryaghtsera enwawe yughsnore.

15 Neony ne jadaghkhadont ne raronghyakeghro-non yah-hahhonrawade; neony etho kowanenh waoronghkwentstakareghre ne karonghyakonh, yondonnyon, Ne kayanertsera ne ken-ikenh jiyonghwenjade akwah anaawen ji-niyught ne raoyanertsera ne Eghjhidewayaner, neony ne rao Keristus; neony raonhha t'kakonde enhhatyadakwe-niyughste ne jiniyenhhenwe neony ne ji-niyenhhenwe.

16 Neony ne kayeryh nok tewaghshenh ne thodixdenhah, ne ne raoghendonh ne Niyoh ro-nadennitskwaghraghxherakeron eghradideron, eghdakeh yahhontkonghsayen, ony ron-warighwanekenny ne Niyoh,

17 Rondon, Dekwanonghweradon kwadonghrenny, O Sanyaner Niyoh Seshatstenghserakwekonh, ne ne ise, neony ne kenghne, neony dendeghse; aoriwa ne jisaye-nah ne isekeh ne sashatstenghserowanenh, nokhony jadakwe-niyu.

18 Neony ne niyadeyonghwenjakeh tyakodade-nakonnyh, neony ne sanak'wenghsera nen-iyoh, neony nen-yahhonde-righwihhewe ne yakowendaonh ne ne enshejenhhayen, neony ne ne endeghsheyon ne yaweryendiyuh ne ro-nonhhakeh ne she-nhaseokon ne rodiyadadokenghdiokon rontrory ne jiwarighwadatye, nokhony ne rodiyadadokenghdiokon, nokhony ro-nonhha ne ne yesaghsennatshanighse, niyurighwaah nokhony jiyurihhowanenh; neony enghshakoghdonde ro-nonhha ne ne ro-naghdondonh ne jiyonghwenjade,

19 Neony ne rao-nonghsadokenghdy ne Niyoh kanho-donkwenghjianh ne karonghyakonh, neony etho wakatthaghtotho rao-nonghsadokenghditserakonh ne nikakeghratseraah ne ne rowennendaonh: neony etho dewennirekaon neony yuritstare, ony yuweghrehnhatyese, ony deyaonghwenjishonghk'wa, ony kowanenh yughshekwaghdarenhonh.

---

## CHAP. XII.

**N**EONY yurighwatshanight wakatthaghtotho ne karonghyakonh; ne tyuthonwisen ne yutsheronnyadonh ne karaghkwa, neony ne eghnida deyuraghsidakenseraghkwenh, neony ne yunonghwaroronh ne wennonghwarotsheranoron tekenighyawenre yujistoghkware:

2 Neony kaneronh wadewaghshenthoh, wadewedonghs naonnakerade, ony yuronghyakenh naonsondadewenniyune.

3 Neony etho shekonh thikade wakatthaghtotho ne yurighwaneghrakwaght ne karonghyakonh; neony wakatthaghtotho onekwenghdarakowah yunonwarontyeghtha jadaghk niyunonjistonde nok overy nadeyunakaronde, neony yunonghwaroronh ne jadaghk ne wennonghwarotsheranoron.

4 Neony ne raodaghsa yahhody ne aghsenhhadont yejokenhah ne ojistoghkhokon ne karonghyakeh, neony onghwenjakeh yakakeghrondane. nok neh jadah niyunonjistonde eghyatkadane aohhendoh ne tyuthonwisen ne ne nenkaweyennendaonh ne naonsakonwaghtkawe, ne ne ayakoghdonde aondek'wisa naexhada akwah ne ok en-yonnakerade.

5 Neony endewedon rajin ne raxhaah, raonhha akwekonh enhhaderighwatsteriste ji-niyadeyonghwenjakeh, enrade karistajy adennits: neony naoxhada yahharawe ne ji-nonka ne Niyoh-neh, ony rao-nitskwaghraghxheradokenghdikeh.

6 Neony ne tyuthonwisen karhakoh ondekwaghde, etho nonweh nihhanakdaghseronnyennyh ne Niyoh, ne ne etho nonweh nadenhhadighsnye-ne naonhha enhhadinondenghseke overy dewennyawe tekenyh tewennyawe nok yayak niwaghshenh niweghniserakeh.

7 Neony aderiughsera onderighwaghndendy ne karongh-yakonh: *Michael* nok raoronghyakeghro-non wahhonderiyu wathadighnyoden ne jadaghk niyunonjistonde; neony ne jadaghk niyunonjistonde wahhonderiyu ne rao-ronghyakeghro-non,

8 Neony yaghdehhotkwe-nyonh; yakhony desho-nakdat-shenryonh kaneka shekonh ne karonghyakonh.

9 Neony ne t'kakowanenh ne jadaghk niyunonjistonde wakonwayadinekenwe, ne tyughnyaraxdenhah, ne ne konwanadonghkwenh Oneghshonghro-non, nok *Satan*, ne ne onkwedakwekonh shakoyadaghdondoh: ronwayadinyondoh ne onghwenjakonh, neony ne raoronghyakeghro-non yehhadikwekonh ne raonhha eghyehhonwadiya-dontyonh.

10 Neony Wakathonde yakowendeh yondon ne karonghyakonh, Onenh onwe nadaghskatshera, ony kashatste, neony ne raoyanertsera ne onkwa-Niyoh, neony ne raoshatstenghsera ne rao Keristus: asekenh ne onkwadadekenhah ne ne shonkwarighwaghstany o-nenh eghdakeh yehhonwayadontyonh, ne ne rorighwaghstany ne raohhendoh ne onkwa Niyoh ok yeweghniserare ok yewaghsondare.

11 Neony ne ronwashennyeghdoh ne ao-nekwenghsa ne owiraah ne Deyudinakarondohah, neony ne ne owenna ne raodirighwaghnirhaghtsera; neony yaghdehhdinoronghk'wa ne jironnonnhe ne ji-nonka kenhheyon.

12 Ne kady wahhonny jadonnharenh, sewaronghyakeghronon, jonhha ne ne eghtye-nakere. Aderyendakaryaghtsera ne ye-nakere-nyon ne jiyonghwenjade nokhony ne kanyadarakeghkowah! ikenh ne o-neghshonghro-non o-nenh tyut-snenghdoh ne isekeh, royen kowanenh kanak'wenghsera, aoriwa jiroderyendare nenken-ok nisho-nakda.

13 Neony ne o-nenh ne jadaghk niyunonjistonde wahhatkaghtho onghwenjakeh yakhonwayadondy, wathaghwishenh-heyade wathanikonrharen ne tyuthonwisen ne ne yudewedon ne rajin ne raxhaah.

14 Neony ne tyuthonwisen konwawyh tekanerakhontshakeh ne odonnyenghtkowah, ne ne aontyesen daakaden karhakonh nonka, ji-nonweh tyonakde, etho nonweh nadenkonwaghsnye-ne ne ji-nenwe, neony ji-nenwe, neony shadewaghsennenh ji-nenwe, ne ji-nitkakonghsonde no-nyare.



15 Neony ne o-nyare raghsakonh dakaghnekinene jiniyught nayughnodontye waoghsere ne tyuthonwisen, ne ne aakweny ne yayuyadenhhawe ne jionghnodon.

16 Neony ne onghwenja waoye-nawase ne tyuthonwisen, neony ne onghwenya wakanhodonko ne jikaghsakaronde, neony onghneghkwane ne jidonghnodon ne ne jadaghk niyunonjistonde tyudiyakenhonh ne raghsakonh.

17 Neony ne jadaghk niyunonjistonde akwah wahhana-k'wase ne tyuthonwisen, neony wareghde wakhaderighwaghdentyade ne aderyughsera ne ne jishekonh yudadenronh naoghnekwaghsa, ne ne yakotye-nawaghstonh ne raoghtyawaenraghtsera ne Niyoh, neony yakoyen ne raorighwaghnirhaghtsera ne Yesus Keristus.

---

## CHAP. XIII.

**N**EONY o-neghsaronghkwakeh Yadekdane ne kanyadarakeghkowah, nok yakatkaghtho karyu dontketsko dakayakenne ne kanyadarakeghkowah, jadaghk niyunonjistonde nok oery nadeyunakaronde, neony ne rao-nakarakeh oery niwennonghwarotserakeh wennonghwarotseranoron, neony ne rao-nonji-neh ne aoghsenna ronwarighwayesaghta ne Niyoh.

2 Neony ne jini-karyudodenh ne Wakatkaghtho akwah jini-kayadodenh ne *leopard*, (thoah jini-kayadodenh ne kenrex,) nok jini-waghsidodenh akwah jini-yught noghkwaryh, nok jini-kaghsakaghronghtserodenh akwah jini-yught ne kenrex: neony ne jadaghk niyunonjistonde wakhoshatstenghseron ne raoshatstenghsera, ony rao-nitskwaraghk, neony yurihhowanenh wahhorihhon.

3 Neony Wakatkaghtho enskat ne rao-nonjyh akwah jiniyught naotkarewaghdon ne kenhheyatneh; neony ne yudendonnyh jirotkarewaghdonh shonwajendonh: neony onkwedakwekonh yako-neghrakwaghs konwaghnonderatye ne karyu.

4 Neony ronwarighwanekenny ne jadaghk nilho-nonjistonde ne ne roshatstenghserawyh ne karyudakeh, ne kady radirighwanekenny ne karyu, rondon, Onghka naah shade-yught ne ji-nikaryudodenh? onghka naah yakokwe-nyonh ne naaderiyu?

5 Neony ronwawyh ne raonhhakeh ne raghsakaghron-daghkwenh nenhhadady nyurihhowanenghse nokhony rorighwayesaghdanyon ne Niyoh; neony ronwashatstenghserawyh ne raonhhakeh ne ne en-yurighwadatye kayeryh niwaghshenh nok teweghnidakeh.

6 Neony wahhanhodonko ne raghse-neh wahhorighwayesaghdanyon ne Niyoh, wahhohgsennayesaghdanyon, nokhony ne jirodaghskwahhere, nokhony ne ne radinakere ne karonghyakonh.

7 Neony wahhy ronwawyh ne raonhhakeh ne nenhhonderiyu ne rodiyadadokenghdy, neony neony ne ne e-nekenh aonwanatraghkwen: neony ronwashatstenghserawyh nyadenghronkoghde ne kanonghkweserakwekonh, ony awen-naghsonhhokon, ony niyadeyonghwenjakeh.

8 Neony e-nakeraghserakwekonh ne ne onghwenjakeh t'kakonde ne enhhonwarighwaneken, onghka ok ne ne yaghten-yeghsennarake ne kaghyadonghserakonh ne yonnheonweh ne owiraah Deyudinakarondonhah konwaryuh ne jityudonghwenjadaghsawe.

9 Doka onghka ne onkweh dehhahhonghdonde, raronk kiasa.

10 Raonhha ne ne yenhhonwaweyagsine ji-nonka ne naghskwa t'kakonde yahhoghdyentyonhhatye ji-nonka tyenaghskwa: raonhha ne ne shakoryuh rodonh asharekowah t'kakonde enshonwaryu enwadon asharekowah. Kenwahhy ne kanikonghkatstenghsera neony ne teweghdaghkonh ne rodiyadadokenghdy.

11 Neony Wakatkaghtho thiskaryudade dayuyakenhonhatye onghwenjakonh; nok tekenyh dehho-nakaronde aniyught niyakaah deyudinakarondonhah, nok eghnihhawennden ji-niyught ne jadaghk niyunonjistonde.

12 Neony wahharihhonnyen kashashatstenghserakwekonh ne ne tyuderyudatyerenghdonh ne raohhendonh, neony yaondeghyaron ne onghwenjakeh ne ne eghye-nakere ne akonwarighwaneken ne tyuderyudatyerenghdonh ne ne yudendonnyh jirotkarewaghdonh shonwajendonh.

13 Neony yurighwatshanight ji-nahhayere, eghkady naawen dahhenjirenghe karonghyakeh daweghde onghwenjakeh wakarane waontkaghtho ne onkwehhokon,

14 Neony ne en-yakoyadaghdonde ne onghwenjakeh ye-nakere ne enkarihhonny ne ken-ikenh ne ji-niyutyanadenyon ne ne jiyushatstenghserayen ne ne eghnayeyere ne jidekonwakanere ne karyu; wadon ne ro-nonhhakeh ne ne onghwenjakeh ye-nakere, ne ne enhhadiyadonnighseronnyen ne karyu, ne ne rotkarewaghdaghkonh ne asharekowah nok ronnhe wahhy.

15 Neony roshatstenghserayen ne ne enghshakaon ne yonnheonweh ji-nonka ne kayadonnyh ne karyu, ne ne kayadonnyh ony ne karyu dejaronh enkyadady, neony ne tyuriwane ne ne ji-nikonh ne ne yaghtakonwarighwaneken ne kayadonnyh ony ne karyu enkaryuhhake naah.

16 Neony enghreghyaron akwekonh, dejaronh jikenniyurighwaah ony jiyurihhowanenh, yakotshokowah ony yakodenh, yondadewenniyu ony e-naghskwa; ne ne ayeye-na akayanadon ne jiradiweyendeghdaghkonh ne radisnonkeh, radikenkwarakeh denhenshenwenh:

17 Neony ne ne yahhonghka nonkweh thaonsayeghni-naonsayondenghni-non denhens, enshonwayadako ne ne kayanadonh, nendenhens ne raoghsenna ne karyu, ne denhens ne ji-niwaghratsherodenh ne raoghsenna.

18 Kenwahhy ne kanikonghrowanenghtsera. Kiasa raonhha ne ne ro-nikonghrayendaonh rarat ne ji-niwaghratsherodenh ne karyu: ikenh ne wahhy ne ji-niwaghratsherodenh ne onkweh; nok ne ji-nihhoghratsherodenh wahhy yayak tewennyawe yayak niwaghshenh nok yayak.

## CHAP. XIV.

**N**EONY Yakatkaghtho, ony, wakken, owiraah ne Deyudinakarondonhah ikade o-nondohharakeh ne *Sion*, neony ne ne ronne ne raonhha enskat tewennyawe kayeryh niwaghshenh nok kayeryh niwennyaweeghtseraghshenh, rodien ne Ro-nihhah raoghsenna kaghyadon ne radikenkwakeh.

2 Neony Wakhewennaronke karonghyakeh dondewennayenghdaghkwe, akwah anikaritstodenh ji-niyught ne oghnekaokon, nokhony akwah ji-nikaritstodenh ji-niyught ne kowanenh ayuweren: nokhony wakewennaronke ne karenghsodaryh ne yontstha yontha:

3 Neony dehhodirighwaghkwenh akwah ji-niyught ne karennase ohhendoh ne ennitskwaghraghxheradokenghdy, neony aodihhendoh ne kayeryh nikaryudakeh, neony ne thodixdenhah: yahhonghka ne onkweh thayeweyendeghdane ne tho-ikenh karenna ne ok neh enskat tewennyawe nok kayeryh niwaghshenh nok kayeryh niwennyaweeghtseraghshenh, ne ne shonwadiyadakwenh shonwadironkwaseh ne onghwenjakeh.

4 Wahhy ne neken ne ro-nonhha ne ne yaghdehhonwadidaxhadonh ne tyunathonwisen; ikenh ro-nonhha wahhy radiwinonh. Ro-nonhha wahhy ne ne radighnonderatye ne owiraah ne Deyudinakarondonhah akwah ji ok niyenhhenwe. Ne neken ne shonwadiyadakwenh shonwadironkwaghsenh ne kentyughkwakonh ne onkwehhokon, ne na ne tyutyereghdonh yunenh Hondaonh ne Niyoh-neh nokhony ne jionka nowiraah ne Deyudinakarondonhah.

5 Neony ne radighsakonh yaghdeyakorighwatshenryonh ne nashakodinikonrhadeny: ikenh yaghdehhodiriware ne naodinbikon ne ohhendoh ne rao-nitskwaghraghxheradokenghdy ne Niyoh.

6 Neony Wakatkaghtho shekonh oya ne raronghyakeghro-non ratye shadewaghssennen ne jikaronghyade, rahhawye ji-niyenhhenwe raowenna ne Niyoh ne ne enghshakoderighwaghnodonse ne ro-nonhhakeh ne ne onghwenjakeh yekakere, neony ne niyadeyakaonghwenjakeh, ony ondenoron, ony awennaghsonh, ony onkweh naeyadoden,



7 Radonne rowendeght, Eghtshise-nitshaghnighsek ne Niyoh, neony eghjhijonwesaght ne raonhhakeh; ikenh ne jikaghwistaex ne raojenhhayenghtsera o-nenh onwe: neony eghjhise-nirighwanekenh raonhha ne ne roghson ne karonya, ony onghwenja, neony ne kanyadarakeghkowah, neony ne yughnawerodon ne oghnekaokon.

8 Neony shekonh oya roghnonderatye ne raronghyakeghro-non, wadonne, Wakanatye-nene naah, wakarye-nenne naah, thoikenh kanadowanenh, aoriwa ne jiakaonghwenjakwekonh waakoghnekanonde ne *wine* ne kanak'wenghsera ne jiyurighwaneren ne kanaghkwa.

9 Neony ne aghsenhhadont ne raronghyakeghro-non shakoghnonderatye, radonne rowendeght, doka onghka ok ne onkweh ne enkonwarighwaneken ne karyu neony ne raoyadonnyh, neony roye-nah ne kayanadonh ne rakenkwarakonh, nedenhens rasnonghsakonh,

10 Ne na shahhayadat t'kakonde ne enhhaghnekira *wine* ne rao-nak'wenghsera ne Niyoh, ne ne thoweronthonh deka-yeghstonh ne *cup*-tserakonh ne raoderyaghdikhonghtsera; neony raonhha t'kakonde enhhonwaronghyakende denhhonwadonnhakaryaghdaghkwe enwadon ojire nok yunen-yadex dekonidikanere ne radironghyakeghtseradokenghdy, neony dehhakanere ne Yesus Keristus;

11 Neony ne jidakayenkwaroden ne raodironghyakenghsera ne dontharadade ne ji-niyenhenwe neony ne ji-niyenhenwe: neony yaghthao-nonrishendane ne jikenwende yahony naghsondakeh, ne neh ne rarighwanekenny ne neony ne raoyadonnyh, neony onghkakiok ne enhhoyenahhake ne enkayeronnitston ne raoghsenna.

12 Kenwahhy karonghyakenghyakenghsera enghsadenikonghkatstade ne orighwadokenghdy: kenwahhy ro-nonhha ne ne radirighwenhhawe ne raoghtyawenraghtsera ne Niyoh, neony ne teweghdaghkonh ne Yesus.

13 Neony Wakhewennaronke karonghyakeh dondewenayenghdaghkwe waonkwenhhaghse, Syadonh, Yakodaghskats naah ne yakowendaonh ne Royanertserakonh yakawenhhayadonh kenghyudaghsawe: Orighwiyu, wadon ne Kanikonra, ne ne ao-nonrishendane ne raodironghyakenghsera; neony ne raodiyudenghsera ne enhhodighnonderatye

14 Neony Yakatkagtho, nok wakatthagtho kentshada-kenrade, nok otshadakeh enskat rents kwahhere akwah ji-ni-yugth ne onkweh Ronwayenhah, oji-nekwar karistanoron ne ro-nonghwaroronh, nok neh rahhawe ne rasnonkeh ne ne yughyuthiye yakennekeriyatha.

15 Neony shekonh oya ne raronghyakeghro-non dahha-yakenne o-nonghsadokenghdikowaghneh, dehhohhenreghdane rowendeght ne ne raonhhakeh ne otshadakeh rents kwahhere, (rawenny,) Yahhasrek ne sennekeriyaktha, sennekeriyak: o-nenh yahhesaderighwihheghse ne nenghsennekeriyake; asekenh ne ji-niyakennekeriyax ne jiyonghwenjade o-nenh yunoraryh.

16 Neony raonbha ne ne otshadakeh rents kwahhere yahhareke ne rawennekeriyaktha etho jiyonghwenjade; neony ne jiyonghwenjade wennekeriyakdaghkwenh.

17 Neony shekonh oya ne raronghyakeghro-non dahha-yakenne ne o-nonghsadokenghdikowaghneh ne karonghyakonh, rahhawe o-nenne ne yughyuthiye ne yakennekeriyaktha.

18 Neony shekonh oya ne raronghyakeghro-non dahha-yakenne jiyeyadaraghstha, ne ne enthennonghdon ne ojire; neony dehhohhenreghdane rowendeght yehhawenny ne raonhhakeh ne ne rahhawe ne yughyuthiye ne yakennekeriyaktha, radonne, Yahhasrek ne yughyuthiye sennekeriyaktha, neony satkennisaaght ne enskatneh yuthoghkodon ne o-nenhhare ne jiyonghwenjade; asekenh wahhy nao-nenh-hoghkwa nen-yughyaryh.

19 Neony ne raronghyakeghro-non yahhareke ne rennekeriyaktha etho jiyonghwenjade, neony etho yalhody ji-nonweh nadeyeji nonghwerorarakowah ne *wine* ne rao-nak'wenghsara ne Niyoh.

20 Neony ne jiyeyi-non-wenroghraraktha ne *wine* thade-waghskwaseronkwenh yaghdaskanadayen, neony eghdakane kwenghsinekenne ne jidekanonwenjiroghrarakonh ne *wine*, shadeyugth ji-nonka ne yakoghsadenghs waderistannhon-daaghs, ne ne ji-niyunakda oyery nok yayak nadewennyawo *furlongs*.

## CHAP. XV.

**N**EONY Wakatkaghtho shekonh oya ne wade-nyendenghstonh ne karonghyakonh, yurihhowanenh nokhony yurighwaneghrakwah, jadaghk ne radihhawe ne jadaghk ne oghnaken waaonnyade ne deyunikonghkaryah; ikenh ne ro-nonhhatserakonh ne kananonh ne rao-nak'wenghsera ne Niyoh.

2 Neony Wakatkaghtho akwah ji-niyught ne kanyadarekowah ne owise dekayeghstonh ojire: neony ro-nonhha ne ne rodiye-nah ne ne radishennyonh ne karyu, nokhony shoshennyonh ne raoyadonnyh, ony ne raoyanat, neony ne jiniwaghratsherodenh ne raoghsenna, irade kanyadarakeh ne owise, rahhawe ne Niyoh raorenghsodaryh ne nyughthareonweh.

3 Neony dehhodirighwaghkwath ne ne dehharighwaghkwatha ne Oses ro-nhase ne Niyoh, neony ne dekarighwaghkwatha ne owiraah ne Deyudinakarondonhah, rondon, Yurihhowanenh nokhony yurighwatshanight ne sayudenghsera, Sayaner Niyoh Seshatstenghserakwekonh, disarighwayery nokhony orighwiyu ne sahhahhaokon, ise Koraghkowah ne rodiyadadokenghdy.

4 Onghka ne yaghdeyesatshanighse, O Sayaner, ony sonwesaght ne saghsenna? ikenh sonhhaah ok wahhy sayadadokenghdy: ne wahhonny akaonghwenjakwekonh entyen ony en-yesarighwaneken sahhendonh; asekenh ne sajenhha-yenghtsera o-nenh thiyutkwathonh.

5 Neony ne oghnakenkeh ne kenhenh Yakatkaghtho, neony, yakatkaghtho, ne o-nonghsadokenghdy ne jiwaghskwahhere ne donderighwaghnirade ne karonghyakonh kanhodonkwenghjionh:

6 Neony ne jadaghk radironghyakeghro-non dahhadiyakenne o-nonghsadokenghdikeh, rodiyendatye radihhawy ne jadaghk aderyendakaryaghtsera, ony aoskon kanyadarakenrade ro-natsheronnyadonh, neony dehho-nadentskwe-nanhenh ojinekwar karistanoron atyadanha.

7 Neony enskat ne kayeryh nikaryudakeh yakaon ne ro-nonhhakeh ne jadaghk radironghyakeghro-non jadaghk oji-nekwar karistanoron nikatshedasa kana-nonh ne rao-nak'wenghsera ne Niyoh, raonhha ronnheonweh ne ji-niyenhenwe neony ji-niyenhenwe.

8 Neony ne o-nonghsadokenghdikey wakayenkwaranaghe ne daweghde ne raonwesenghtsera ne Niyoh, neony daweghde ne raoshatstenghsera; neony yahhonghka ne onkweh thayekweny ne yayondaweyade etho o-nonghsadokenghdikey, ji-nikariwes ne jadaghk naderyendakaryaghtsera ne ne jadaghk radironghyakeghro-non ne enhhadinaghe.

---

## CHAP. XVI.

**N**EONY Wakhewennaronke yewennowanen dayewenninekenne ne o-nonghsadokenghdikey konwennenny ne ne jadaghk radironghyakeghro-non, Wase-neh se-nihhahhakeh, neony yajaweronthoh ne nikatshedasa ethoh onghwenjakeh ne ne rao-nak'wenghsera ne Niyoh.

2 Neony ne ne wahhahhede, neony yahhawerontho ne nikatshedaah ne raotshe etho onghwenjakeh, neony etho yakakeghrondane ne ne yukarewaght ony yunikonghraxhat kanonghwakdenghsera ne onkwehhokonkeh ne neh ne yakotyanadonh ne karyu, neony ro-nonhhakeh ne neh ne konwarighwanekenny ne raoyadonnyh.

3 Neony ne teke-nihhadont ne raronghyakeghro-non yahhaweron ne raotshe nikatshedaah etho kanyadarakeh; neony eghnaawep ji-niyught ne onkweh yakawenhheyonh o-nekwenghsa: neony ji-niyadewadonnhetserakeh ne konnonnhe wakonnihheye etho kanyadarakonh.

4 Neony ne aghsenhhadont ne raronghyakeghro-non yahhaweron ne raotshe ne nikatshedaah etho jikayyhonhhadenyon neony ne jiyughnawerodon oghnekaokon; neony o-nekwenghsa ondon.



5 Neony Wahhiwennaronke ne raronghyakeghro-non ne oghnekaokon radon, Saderighwakwarighsyonh, O Sayaner, ise wahhy, neony nekenghne, neony t'kakonde eghnenyawen, aoriwa ji-nensajenhhayendakwenh ne ji-nikarihho-den.

6 Ikenh ne rodinek'waghdonh ne rodiyadadokenghdy nokhony nyehhadiriwakenghse nissy naoriwadyh, neony sheyawyh ne ro-nonhha no-nekwenghsa ne naadighnekira, ase eghniyuriwa ji-nihhadiyadoden.

7 Neony Wakaronke shekonh oya dahhayakenne ne jiye-yadaraghstha radon, Shadekade ony, Sayaner Niyoh Seshatstenghserakwekonh, tokenghske ony yuderighwakwarighsyonh ne sajenhhayenghtsera.

8 Neony ne kayerihhadont ne raronghyakeghro-non yahhaweron ne raotshe nikatshedaah etho karaghkwakeh; neony ronwashatstenghserawyh ne raonghhakeh ne ne enhhatshaaghde ne onkwehhokon enrade ojire.

9 Neony wahhonwanatshaaghde ne onkwehhokon kowanenh yudarihhenh, ne ne ronwaghsennayesaghdonh ne Niyoh, ne ne rashatstenghserakennyonh ne ken-ikenh aderyendakaryaghtsera: ne ne yaghdesho-nadatrewaghdonh ne naonyonwesaghde.

10 Neony ne wiskhadont ne raronghyakeghro-non yahhaweron ne raotshe nikatshedaah etho rao-nitskwaghraghkneh ne karyu; neony ne raoyanertsera onghsadanaghne; neony enhhonwadiristanhonda ne rao-nennaghsonneh ne kanonghwakdenghsera,

11 Neony ne ronwarighwayesaghdonh ne Niyoh ne karonghyakeh enkarihhonny ne na ne raodironghyakenghsera nokhony ne ne raodinikonghranonghwakdenghsera, ne ne yaghtshenshondatrewhagdane ne raoditokenghskeonweh.

12 Neony ne yaghyakhadont ne raronghyakeghro-non yahhaweron ne raotshe nikatshedaah etho ne jikayyhonhho-wanenh *Euphrates*; neony ne oghnekanoghs nethoh onghstathen, ne ne raodihhahha ne koraghkowatshon ne jitkaraghkwinekense ne naondon aondenrharade.

13 Neony Wakatkaghtho aghsenh ne yunikonghrahhetkenhonh, akwah ji-niyugt ne jighnennadak dakayakenne ne kaghsakonh ne jadaghk niyunonjistonde, neony dakayakenne ne kaghsakonh ne kargu, neony dakayakenne ne raghsakonh ne ne o-nowen ne yehhariwakenghs nissy naoriwadyh.

14 Ikenh ro-nonhha wahhy ne o-neghshonghro-non raonikonra, rodiyude ne yurighwaneghrakwaghde-nyon, ne ne ro-naderighwagdentyeghdonh ji-nonka ne koraghkowats-hon ne jiyonghwenjade nok sane okthiyonghwenjakwekonh, ne ne shakodiyadarorox ne jiwaderiyuh ne ne jiweghnisero-wanenh ne Niyoh Nakwekonh thihhashatste.

15 Jatkaghthoh Tentke akwah ji-niyugt ne ye-nenghs-kwaghs. Yakodaghskats naah ne ne rotyewade, neony rotye-nawaghstonh ne rao-nena, onwaneken raohhayenghsoskon jienre, neony enhhonwatkaghtho ne raodehhatsera.

16 Neony waghshakoyadaroroke enskatneh ji-nonweh niwadonghwenjade konwanadonghk'wa ne ne ji-niyewenno-denh ne *Hebrew Armageddon*.

17 Neony ne jadaghkhadont ne raronghyakeghro-non yahhaweron ne raotshe nikatshedaah ji-nonweh ne niyao-datyese nadonryeghtsera; neony etho dayewenninekenne yewennowanenh etho kanonghsadokenghdikowaghnech ne karonghyakeh, daweghde ennitskwaghraghxheradokenghdi-keh, yondon, Nenwahhy kaweyennendaonh.

18 Neony etho yuritstare, ony yuwerenh, nokhony dewennirekaraon; neony etho kowanenh deyaonghwenjishonghk'wa, ne ne yaghnonwendonh eghdetyawenhonh jinahhe ne onkwehhokon onghwenjakeh shiyederon, ji-niyu-neghrakwah watyaonghwenjishonghkwe, neony yurihho-wanenh.

19 Neony ne jikanadowanenh aghsenh nadewadekhaghsy, neony ne niyadeyakaonghwenjakeh jikanadayendon eghdakeh ondon: neony Kanadowanenh ondaweyade ne wegh-yaghraghkwenh raohhendonh ne Niyoh, ne ne akonwayon naonhhakeh ne *cup* ne jiikare ne *wine* ne nyakaweryaghsaghnironh (ne en-yeghnekira ne *wine*) ne rao-nak'wenghs-era.

20 Neony ji-niyadekaweghnoghkwakeh wakondeko, neony ne yunonde-nyon yaghtaonsondetshenry.

21 Neony wahho-nasenne ne onkwehhokon kowanenh wahhodighshekwaghdarenne karonghyakeh daweghde, jiniyadekanen-yakeh ne onghdeh ne jiniyuxde ne *talent*: neony ne aoriwa ne onkwehhokon ne ne jironwarighwayesaghdonh ne Niyoh wahhodighshekwaghdarenne ne ader-yendakaryaghtsera; ikenh ne nyadewakde ne waderyendakaryaghtserowanenh.

---

## CHAP. XVII.

**N**EONY etho warawe shayadat ne radironghyakeghronon ne jadaghk ne ne rahhawe ne jadaghk ne nikatshedasa, neony watyake-nightharen, wahhakwenhhaghse. Karo kaseght; Enkonnadonhaghse ne isekeh ne jidenkonwayadoreghde ne yudeghkowah karighwaneraakhon kanaghkwa ne ne eghkentskwahhere jiyutnekakade:

2 Ne ne ro-nonhha ne koraghkowatshon ne jiyonghwenjade rodirighwaneren ne kanaghkwa, neony ne ye-nakere ne onghwenjakeh ronwadinonghwaraghdondonh ne wadonh ne *wine* ne naorighwaneraaxhera ne kanaghkwa.

3 Etho kady naawen yabhakyadenhhawe kanikonrakonh etho karhakonh: Neony Wakatkaghtho ne tyuthonwisen yunitskwaghraghkwenh jodakonghkowah waghsohhonh karyu, kaghsennananonh ne nyakorighwayesaghdonh, jadaghk niyunonjistonde nok overy nadeyunakaronde.

4 Neony ne tyuthonwisen nense kaweyennendaonh ne oron-ya thoah jodakonghkowah thiwensero denh nokhony ne jodakonghkowah niwensero denh, neony karhorokdonh karaseghstonh watstonh oji-nekwar karistanoron neony ne kenen-yanoron ony wadewaghsharanoron, kahhawe oji-nekwar karistanoron *cup* ne kasnonkeh kananonh ne yurighwane-raaxherakwaghde-nyon yunewara-de-nyon ne aorighwane-raaxhera ne kanaghkwa:

5 Neony ne kakenkwarakeh yeghsennare, NE JIYU-DAGHSEGHDANYON, KANADOWANENH NE KANADOWANENH, NEKONWANISTENHHAH NE YUDEGHKOWAH KANAGHKWA NEONY NE YURIGHWANERAAXHERAKWAGHDE-NY-ON NE JIYONGHWENJADE.

6 Neony Wakatkaghttho ne tyuthonwisen ne yunonghwaraghdondonh ne raodinekwenghsa ne rodiyadadokenghdy, neony ne rao-nekwenghsa ne raoronghyakenghsera ne Yesus: neony ne o-nenh Wakatkaghttho naonhha, Onke-neghrako yurighwaneghrakwaghtkowah.

7 Neony ne raronghyakeghro-non wabhakwenhhaghse, Ne wabhonny wesaneghrako kenh? Enkonghrory ne jiyudaghseghdanyon ne tyuthonwisen, neony ne karyu ne ne yuyadenhhawise, ne ne jadaghk niyunonjistonde neony overy nadeyunakaronde.

8 Ne karyu ne ne waghstakaghttho neeh naah, neony yaghneeh dekenh, neony t'kakonde endewatharadede etho entkayakenne ne o-nonghkwe-neh ne o-neghshonh, neony eghniyenhhenwe ji-nonweh ne kenhheyon ji-niye-nhenwe: neony ro-nonhha ne ne radinakere ne onghwenjakkeh t'kakonde ennhodineghrako, ro-nonhha ne ne yaghdeh-hadighsennare ne kaghyadonghserakonh ne yonnheonweh ne ne jityudonghwenjadaghsawe, neony ne o-nenh shahhontkaghttho ne karyu neeh naah, neony yaghneeh dekenh, neony shekonh neeh naah.

9 Neony kenwahhy nennonghdonnyonghtsera ne ne yunikonghrowanenghtserayen. Ne jadaghk niyunonjistonde ne wahhy ne jadaghk yunonde-nyon, ne ne tyuthonwisen jikentskwahhere.

10 Neony ne wahhy ne koraghkowatshon: wisk wahhy niyuryhe-nenhonh, neony enskat naah, neony ne thihhade arekho nenne deroh; neony ne o-nenh enrawe, t'kakonde niyurighweshah ennhoghnyodaaghste.

11 Neony ne karyu neeh naah, neony yaghneeh dekenh, shadeyught raonhha naah ne shadekonhhadont, neony naah ne jadaghk, neony eghniyehho-ne-nonh ne ji-nonka ne kenhheyon ne ji-niye-nhenwe.



12 Neony ne oyery nikanakarakeh ne satkaghthonh ne wahhy ne oyery nikakoraghtserakeh, ne ne arekho dehho-diye-nah ne kayanertsera, nok rodiye-nah ne kashatstenghsera ji-niyught ne koraghkowah enskat enkaghwistaeke enskatneh ne karyu.

13 Neneken ne ken-ikenh ne skanikonrat, neony t'kakonde enhhonwashatstenghseron ony enhhonwayadaghnirade ne karyudakeh.

14 Neneken-ikenh nenhhonderiyu ne owiraah Deyudina-karondonhah, neony ne owiraah ne Deyudinakarondonhah t'kakonde enghshakoshenny: ikenh raonhha wahhy ne Royaner ne rodiyaner-okon, neony raonhhaah. Korah-kowah ne koraghkowatshon: neony, ro-nonhha ne ne ronnesse ne raonhha wahhy yehhonwadighnonkonh, ony ronwadiyadarakwenh, ony tho-neghdaghkonh.

15 Neony waghakwenhhaghse, Ne ne oghnekaakon ne wagh-satkaghtho, ne ji-nonweh nikentskwahhere ne yudeghkowah ne kanaghkwa, ne wahhy ne onkweh naeyadoden, neony kentyughkowanenh, neony niyadeyonghwenjakeh, ony awennaghsonhhokon.

16 Neony ne oyery nikanakarhakeh ne satkaghthonh ne karyudakeh, ne ne ken-iken t'kakonde enkonwaghswen ne yudeghkowah ne kanaghkwa, neony t'kakonde kayese enkonwayonny naonhha nokhony enkonwaghayenghsonny, neony enkonwawarake, neony t'kakonde enkonwayadoden ojire enwadon.

17 Ikenh Niyoh yehhoden ne rao-neryaghsakonh ne ne enhhadinaghne ne ji-nithanonwese, neony ne ne skanikonrat, neony ne enkonwayanertseron ji-nonka ne karyu, ji-nikariwes ne t'kakonde nenhenkanaghne ne Niyoh raowenna.

18 Neony ne tyuthonwisen ji-niyught jisatkaghthonh ne na ne jikanadowanenh, ne ne ro-natyadakwe-niyughstennyh ne koraghkowatshon ne jiyonghwenjade.

## CHAP. XVIII.

**N**EONY oghnakenkeh ne ken-ikenh karighwaokon Wakatkaghtho shekonh oya raronghyakeghro-non dahhatsnenghde ne karonghyakeh, roshatstenghserowanenh; neony ne jiyonghwenjade watkaghswathede ne raonwesenghtsera.

2 Neony yuneghrakwah dehhohhenreghdane rowen-naghnironh, radon, Kanadowanenh ne yurihhowanenh eghdakeh wakayendane, eghdakeh wakayendane, akwah anaa-wen ji-niyugt ne o-neghshonghro-non aanakereke, neony ne rotye-nawaghstonh ne jiniyadewadonnhetsherakeh ne nyuhhetkenhonh, neony ne jikonwadinhodonghk'wa ne jini-konh ne yudaxhenhonh dehho-nadatswenhonh yudagh-kwaghswat ne jidenhah.

3 Ikenh ne akaonghwenjakwekonh ne yako-nonghwa-raghdondondh ne *wine* ne kanakwenghsera naonhha aorigh-waneraaxhera ne kanaghkwa, neony ne koraghkowatshon ne jiyonghwenjade ne rodirighwaneren naonhha ne kanaghkwa, neony ne rondenghninonghs ne jiyonghwenjade wahby yughneghdaraonh ro-natshokowah ne wakarihhonny ne yutye-nighdonh naoraseghtsera. (akwah ji-niyugt neh ne ok nakaserhon.)

4 Neony shekonh oya Wakhewennaronke karonghyakeh dayondewennayenghdaghkwe, yondon, Kajaken-n naonhha-keh, akonkweda, ne ne yahheghthaesewayadarane ne aorighwaneraaxherakeh, neony ne ne yaghtaesewaye-na ne naonhha aoderyendakaryaghtsera.

5 Ikenh naorighwaneraaxhera yadeyuronghyonkoh, neony Niyoh reyaghre naorighwaneraaxhera.

6 En-yutyeritshe shaden-yawenne ji-niyugt naonhha ji-sayeridyh, neony den-yutnanedaaghse naonhhakeh den-yut-nanedaaghse ne entyuyanenhawe ne aoyudenghsera: ne *cup* tserakonh ne ne yunanonh enkananon naonhhakeh jiden-yutnanedaaghse.

7 Do-nikonh yudatkwaghtstonh yudatkønyenghstonh yudadonweshen nyadekayadyh, neony yudade-nikonghrayeridonh jiyonnhe, ne ji-niyaweda karonghyakenghsera ony o-nikonghraxhadane konwawyh: ikenh wadon naweryaghsakonh, Kitswahhere shakat koraghkowah, nokhony yaghdewakadeghreonghse, nokhony yaghthakatkaghttho no-nikonghranonghwakdane.

8 Ne kady waghonny t'kakonde naoderyendakaryaghtsera enwawe etho seweghniserat, kenhheyon, ony enwadade-nane, ony adonghkaryakon; neony t'kakonde naonhha enkonwayadoden ojire enwatston: ne ji-nihhashatste wahhy ne Royaner Niyoh raonhha enhhajenhhayen naonhha.

9 Neony ne koraghkowatshon ne jiyonghwenjade, rononhha ne ne rodirighwaneren ne kanaghkwa neony shihhonnonnhe ro-nadade-nikonghrayeridonh enskatneh naonhha, t'kakonde en-yunikonghraxhen denwaghshenthoh, neony denkonwaghshenthose naonhha, ne o-nenh enhhontkaghttho ne oyenkwar ne jienkonwayadoden.

10 Inonh dondase-nidan ne ne jideyuderyentharah ne aoronghyakenghsera, rondon, Yunikonghraxhat, yunikonghraxhat kanhadenghsera ne ne jikanadowanenh, ne ne jiyunadaneghrakwaght! ne ok neh enskat wakaghwistaeke nok onwe ne sajenhhayenghtsera.

11 Neony ne rondenghni-nonghshokon ne jiyonghwenjade t'kakonde denhhonghshenthoh neony enkonwanane; ikenh yabhonghka ne onkweh shekonh oya thaonsahhonwadighninon ne rondenghni-nonghs:

12 Ne yondenghni-nonghs ne oji-nekwar karistanoron, neony kenrakenh karistanoron, neony kanen-yanoron, neony kenrakenh wadewaghsharanoron, neony kanyadariyuh, neony jodakonghkowah thoah oron-ya thiwenserodenh, ony nikanheghsadsenshah, ony jodakonghkowah, neony akwekonh ne kayendanoron, neony akwekonh ji-niyadekakeghratserodenshon o-nawy, neony akwekonh ne ji-niyadekakeghratserodenshon ne kayendanoronshon, neony ne ondah nakaristoden, neony karistajy, neony o-nen-ya. (wahhy *marble*.)

13 Neony kanonghkwaseriyuh, (aghs-konde,) neony kaserakon, neony wen-ye-niyughjionh, neony *wine*, neony ken-ye, neony kathereriyuh, neony ennekery, neony kondiriyu, neony deyudinakaroundonhah, neony yakoghsadenghs, neony kasereghdiyuse, neony yaghdeyondadewenniyu, neony akonnhetshokon ne onkwehhokon.

14 Neony ne ji-nityudonnionh ne sadonnhets ji-nikanoshaghs o-nenh wahhy wadijadekhaghsy, neony orighwakwekonh ne ne ji-nahhoden yonwesenghstaghkwenh neony yuraseghstonh o-nenh wahhy wadijadekhaghsy, nokhony yaghnnonwendonh shekonh thaonsaghsetshenry o-nenh yurighwendaonh.

15 Ne ne rondenghni-nonghs ne ken-ikenh karighwao-kon, ne ne aonhha ro-natshokowaghtseronnyh, t'kakonde i-nonh denthadidane aoriwa ne jiyutderonghk ne aoronghyakenghsera, dehhonghshenthonghs ony rodiwendeh,

16 Neony rondon, Yunikonghraxhat, yunikonghraxhat ne ne jikanadowanenh, ne wahhy ne konwaghseronnyadonh ne kanyadariyuh, neony jodakonghkothoah oron-ya thiwen-seronden, ony jodakonghkowah, neony yonnighnanyax ne oji-nekwar karistanoron, neony ne kanen-yanoronshon, neony kenrakenh wadewaghsharanoron!

17 Ne ok ne enskat enkaghwistaeke eghniwatshokowat-serowanenh nok yahhothe-non dejorihhonde. Neony ji-niyadehhadyh ne kahhonweyakowahradiwenniyu, neony akwekonh ne kentyughkwa ne kahhonwakonh, neony atneghda, neony ji-nikonh ne dehhadinonwayenghtha ne kanyadarakeghkowah, i-nonh dahhadikennyadane,

18 Neony wathodihhenreghe ne o-nenh waghontkaghtho ne jiontyenkwaronny ne jiwakonwayadoden, rondon, Oghnikanadoden ne shadayawen ne ji-neken nikanadowanenh!

19 Neony dahho-nakenghrondy ne raodinonji-neh, neony wathodihhenreghe, wathonghshenthon ony wahho-neryendaxhen, rondon, Yunikonghraxhat, yunikonghraxhat ne ne jikanadowanenh, ne ne yakotshokowaonh akwekonh ne ne yakohhonwayen ne kahhonweyakowatshon ne kanyadarakeghkowah ne ne aonhha tyuriwa jiyukarowanhaonh! ne ok ne enskat wakaghwistaeke nok kayese ondon naonhha.



20 Jadonnharenh naonhhakeh, ise karonghyakeh, neony sewanikonghriyughstonh sewayadadokenghdy neony ne sewariwakenghs nissy naoriwadyh, ikenh Niyoh nise daghjhi-sewanikonghrayeride jiwakaronghyaken naonhhakeh.

21 Neony ne royadaneghrakwah ne raronghyakeghron wathanen-yaghkwe akwah ji-niyugt ne kanen-yuwan katheseronnyatha o-nen-ya, neony kanyadarakonghkowah yaghody, radon, Ethone ne enwatyerade ne thenwennonghdon nyurighwaghsnore ne t'kakonde nethoh Kanadowanenh (*Babylon*) eghdakeh enwatyonhhake, neony yaghshekonh thaonsayetshenry.

22 Neony ne owenna ne waderennotha, neony ne yerennaweyenhhonse, neony ne yehhonrawats, neony ne yenyehhonrawade ne jothonrakwadon, o-nenh yekakonde yaghshekonh thaonsesathondeke; neony yaghdon ne niyadehha-weyennakeh, akwah ji ok nahhoden ji-nihhaweyenna, yaghshekonh thaonsondetshenry nisetserakonh; neony ne jiyurakaghre ne katheseronnyatha o-nen-ya o-nenh yaghshekonh thaonsesathondeke nisetserakonh;

23 Neony ne ohhokada deyughswathedaghkonh yaghshekonh thadaonsonderonwinekenne nisetserakonh; neony ne kaweyennendaonh jiro-nyakhe neony ne yunyakhe o-nenh yaghshekonh thaonsesathondeke nisetserakonh: ikenh ne yesadenghninonse wahhy rodiyadaneghrakwaght ne jiyonghwenjade; aoriwa ne ne yondaennaronghs ne wahhy nakaonghwenjakwekonh yondade-nikonrhadeny.

24 Neony ne aonhhatserakonh yudetshenryonh ne raodinekwenghsa ne yehhadiriwakenghs nissy naoriwadyh, neony ne rodiyadadokenghdy, neony akwekonh ne ne eghronwanawenthonh ne jiyonghwenjade.

---

## CHAP. XIX.

**N**EONY ne oghnakenkeh ne ken-ikenh ne karighwao-kon Wakhewennaronke yewennowanenh ne yodonkwedakade ne karonghyakonh, yondonnyon, Eghjhisewanendonh ne Niyoh, ne Adaghskatshera, neony onwesenghdaghk, ony yutkonnyenghst, ony kashatstenghsara, raouhakeh Ne Royaner onkwa Niyoh:

2 Ikenh orighwiyu nokhony yuderighwakwarighsyonh wahhy ne raojenhhayenghtsera: ikenh nenrajenhhayendakwenh ne yudeghkowah ne kanaghkwa, ne ne eghniyuyerenh yuhhetkenghdonh yutkenghdonh ne jiyonghwenjade aoriwa ne naorighwaneraaxhera ne kanaghkwa, neony ne waoghrewaghdaghkwe ne raodinekwenghsa ne shako-nhase ne aonhha kasnonkeh.

3 Neony are sahhonniron, Eghjhisewanendonh ne Niyoh, Neony waotyenkwarakaradade ne ji-niyenhhenwe neony ji-niyenhhenwe.

4 Neony ne kayeryh nok tewaghshenh ne thodixdenhah nokhony ne kayeryh nikaryudakeh eghdakeh wahhontyadondy wahhonwarighwaneken ne Niyoh ne ne ennitskwaghraghxheradokenghdikeh rentsqwahhere, rondon, *Amen*; Eghjhisewanendonh Niyoh.

5 Neony ennitskwaghraghxheradokenghdikeh eghdayewenninekenne, yondonnyon, Eghjhidewanendonh ne onkwa-Niyoh, akwekonh ne jonhha ne rao-nhatsera, neony ne ne eghjhisewatshanighse ne raonhha, dejaronh jiyurighwaghsthonh neony jiyurihhowanenh.

6 Neony Wakhewennaronke akwah ji-niyugt naken-tyughkowanen, neony ne ji-nikaritstodenh ji-niyugt ne eso oghnekaakon, neony ne ji-nikawennodenh ji-niyugt ne yuneghrakwah yuwerenh, yondonnyon, Eghjhisewanendonh Niyoh: ikenh ne Royaner Niyoh rashatstenghserakwekonh jienthennonghdon.

7 Kinyoh dewatshennonnyh nokhony dewadonnharenh, neony eghjhidewakonnyenght ne raonhhakeh: ikenh ne wahho-nyake ne owiraah ne Deyudinakarondonhah o-nenh iyuh, neony ne ro-ne akwah yudadeweyennendaonh.

8 Neony naonhhakeh konwanakdodanyh ne ne aondatkwadako aondadeweyennendane ne kanyadariyuh, ne ne yahhothe-non deyure nokhony kenrakenh: ikenh ne kanyadariyuh ne na natdakwarighsyonghtsera ne orighwado-kenghdy.

9 Neony wahhakwenhhaghse, Syadonh, Yakodaghskats ne ne tyondade-nadon ne ji-nonka wakon ne yukaraghskhah ne jitho-nyakon ne owiraah ne Deyudinakarondonhah. Neony wahhakwenhhaghse, Neneken ne ken-ikenh norighwiyu jiroghthare ratory ne Niyoh.

10 Neony jidehhaghsidade-nyon Wakatyadondy ne nairighwaneken. Neony wahhakwenhhaghse, Satkaghtoh toghsa eghnajer: I-ih ne enskatneh tyonkhiwenniyu, nokhony tyadadekenhah ne ne shonke-nirighwaghniradyh ne Yesus: eghtserighwanekenh Niyoh: ikenh ne raorighwaghnirhaghtsera ne Yesus ne na ne kanikonra ne yekariwakenghs nohhendonh.

11 Neony Wakatkaghtho ne karonghyakeh ondennhodonko, neony wakken kenrakenh nyakoghsadenghs; neony raonhha ne ne rentskwahhere nyakoghsadenghsneh ronwanadonghk'wa Thaweghdaghkonn nokhony Orighwiyu, neony ne atdakwarighsyonghtserakonn ne jienhhajenhhayen neony enwaderighwaketsko naderiyughsera.

12 Anihhakaghtrodenh akwah ji-niyught, nodonghkwa ne ojire, neony ne rao-nonji-neh yawedowanenh ne wennonghwarotseranoronshon; neony eghkaghyadon ne raghsennare, ne ne yahhonghka nonkwew deyakoderyendare, ne ok nyadehhayadyh.

13 Neony ne ji-nihho-ne-nodenh ne rotsheronnyadonn onekwenghsakonn yewaghkdadonn: neony ne raoghsenna ronwanadonghk'wa Ne Niyoh Raowenna.

14 Neony ne kentyughkwa ne ronderiyughs ne ne karonghyakonn ronwaghnonderatye raditskwaghrannyontye kondirakense nyakoghsadenghs, kanyadariyuh ro-natshe-ronnyadonn, kenrakenh nokhony yahhothe-non deyure.

15 Neony raghsakonn dakayakenne ne yusharothiye asharekowah, ne enrade engshakoghdonde ne niyadeyakaonghwenjakeh: neony endeghshako-nonghdonse enrade ne raoshattstenghsara ne Keristus: neony wahharadane ne jiye-nonwenjiroghraraktha ne *wine* ne ne yako-nikonghraxhenh neony ne rao-nakhwenghsara ne Rashattstenghsarakwekonn ne Niyoh.

16 Neony ne rao-ne-nake nok raghnitshakeh eghyeghsennare kaghyadon, RAONHHAH KORAHKOWAH, NEONY RAONHHAH ROYANERKOWAH.

17 Neony Wahhiyatkaghtho ne raoronghyakeghro-non irade ne raoronghyakeghro-non karaghkwakonh; neony wathohhenreghe rowendeght, radon ne ne ji-nonka ne kondijidenserakwekonh ne ne kondityese ne shadewaghshennen ne ji-nitkaronghyade, Karo ony jatyardarorok enskatneh etho ji-nonka ne yukaraghskhah kakon ne ne ka Niyoh-serowanenh;

18 Ne ne aesewawarake ne koraghkowatshon, neony ne raowaronh ne raghsennakwe-niyu, neony ne raodiwaronh ne ronnonkwedaneghrakwaghde-nyon, neony ne aodiwaronh ne yakoghsadenghs, neony ne ro-nonhha ne ne raditskwahhere, neony ne owaronh ne onkwedakwekonh, dejaronh ne ne yondadewenniyu nokhony nenaghskwa, dejaronh ne ne jiyurighwaghsthoonh nokhony jiyurihhowanenh.

19 Neony Wakatkaghtho ne karyu, nokhony ne koraghkowatshon ne jiyonghwenjade, neony ne raodityughkwa ne ronderiyughs, wahhontkennisa enskatneh ne naonderighwaketsko naderighyughsera daadighnyoden ne raonhha ne ne yakoghsadenghsneh rentskwahhere, neony ne denhha-dighnyoden ne raotyughkwa ne ronderiyughs.

20 Neony wakonwaye-na ne karyu, neony ne radikwekonhhatyeskwe ne raonhha ne no-nowen ne yehhariwakenghs nohhendonh ne ne royudenhonh nyutyanade-nyon ne raohhendonh ne ne shako-nikonrhadenyeh ne neh ne rodiye-nah ne kayanadonh ne karyu, ne ne ro-nonhha ne radi-righwanekenny ne raoyadonnyh. Ne ne ken-ikenh dejaronh ehhenhchonwanadoryade yenhhonwadiyadondy ji-nonka t'kanyadare ne ojire yudekhaonweh ne yunen-yadex.

21 Neony ne rodadenronh wahhonwaryu asharekowah warade ne ne raonhha ne yakoghsadenghsneh rentskwahhere, ne ne asharekowah tyuyakenhonh ne jiraghsakaronde: neony ne kondijidenserakwekonh kananonh yekaryery ne aodiwaronh.



## CHAP. XX.

**N**EONY Wahhiyatkaghtho ne raronghyakeghro-non dahhatsnenghde ne karonghyakeh, rahhawy ne ye-nho-donkwaghtha ne ne o-nonghkwe-neh no-neghshonh neony rahhawy kowanenh ne deyondaderistodarhoghstha.

2 Neony wahhaye-na ne jadaghk niyunonjistonde, ne ne tyughnyaraxdenhah, ne na neh Oneghshonghro-non, neony *Satan*, neony wahho-nerenke oyery tewennyawe niyughserakeh ji-nikariwes,

3 Neony akwah o-nonghkwe-neh yahhoyadondy ne o-neghshonh, neony wahhonwanhodon, nokhony wathon-wagneghdorake, ne ne yaghshekonh thaonsaghshakonikonrhaden ne niyadeyakaonghwenjakeh, ji-nikariwes ne oyery tewennyawe niyughserakeh t'kakonde yenkayerine: neony ne oghnakenkeh ne ne ethone t'kakonde wahhy enshonwaghnerenghsy niyurighwaah jiensho-nakdodane.

4 Neony Wakatkaghtho nennitskwaghraghxheradokengh-diokon, neony eghraditskwahhere, neony ne ronwadijenhayengtserawyh denghshakodiyadoreghde ne ro-nonhha-keh: neony Wakatkaghtho ne raodinikonghraokon ne ne ronwadinyaryakonh ne ne ronwarighwaghniradyh ne Yesus, neony ne raowenna ne Niyoh, neony ne ne yaghne dekonwarighwanekenny ne karyu, yakhony ne raoyadonnyh, yakhony ne dehhodiye-nah ne raotyhadonghkwa ne radikenkwakeh, nendenhens radisnonghsakonh; neony etho yenhhonnonnhekeonweh enskatneh ne Keristus oyery tewennyawe niyughserakeh.

5 Nok ne otyake ne yakowendaonh yahhare thaonsayondonnhede ne ji-nikariwes ne oyery tewennyawe niyughserakeh eghnikaweyennendaonh. Ne neken ne ken-ikenh ne ne tyutyerenghdonh ne jienjontkotsko.

6 Rodaghskats nokhony royadadokenghdy naah ne ne eghrayadareghkonh ne jityutyerenghdonh jienjontketsko: ne ne eghniyught ne teke-nihhadont kenhheyon yaghdeyushatstenghserayen, nok daghnon ro-nonhha raojihhenghsta enkenhake ne Niyoh neony ne Keristus, neony t'kakonde enskatneh engneseke oyery tewennyawe niyughserakeh.

7 Neony ne o-nenh ne oyery tewennyawe niyughserakeh ne yadenwadonriseratconden, *Satan* ethone enshonwaghne-rengshy enshonwayadinekenwe ne jiranaghskwayen.

8 Neonyt'kakonde enshayakenne ne ne enshako-nikonrhaden ne niyadeyakaonghwenjakeh ne ne yederon ne kayeryh yejokenhah ne jiyonghwenjade, T'kaghsterihhenhonkeh nokhony karokdeghkenhha, ne ne aontkennisa enskatneh nenenh-onderiyu: ne ji-niwaghratsheroden ne ro-nonhha akwah ji-niyugt ne o-neghsaronghkwa ne kanyadarakeghkawah.

9 Neony eghwahhonneghde etho ne jidewadakaronh ne jiyonghwenjade, neony thadeyughkwadasedonh rodinadaye ne rodiyadadokenghdy, neony ranoronghk'wa kanadowanen: neony donsanne ojire Niyohneh daweghde dakayakenne karonghyakeh, neony enhho-naghdonde.

10 Neony ne o-neghshonghro-non ne ne shako-nikonrhaden etho yehhonwayadontyonh jikanyadare ne ojire ony yunen-yadex, ji-nonweh ne karyu neony ne o-nowen ne ratory ne issy naoriwadyh ne enskatneh yehhadideron, neony t'kakonde enhhonwadironghyakende kenwende nokhony naghsondakeh ne ji-niyenhhenwe neony ji-niyenhhenwe.

11 Neony Wakatkagktho kenrakenh ennitskwaghraghxheradokenghdy, neony raonhha ne ne eghrentskwahhere, jithakonghsonde ne jiyonghwenjade neony ne karonghyakeh wakondeko; neony yagkkaneka dejodinakdatshenryonh.

12 Neony Wakatkagtho ne yakowendaonh, jiyurighwaghsthoh nokhony jiyurihhowanenh, radikennyade raohendonh ne Niyoh; neony ne kaghyadonghseraakon ro-nhodonkwenh: neony shekonh oya ne kaghyadonghsera ne ro-nhodonkwenh, ne na ne kaghyadonghsera ne yonnheonweh: neony ne yakawenhheyonghseron den-yondatyadoreghde ehhenwaderighwadaghko ne ken-ikenh karighwakon ne ne eghkaghyadon kaghyadonghserakonh, ne entyuyanenh hawe ne raodiyudenghsera.

13 Neony ne kanyadarakeghkawah eghyeyekeron yakowendaonh dentyakoghtkawe; neony ne yadehho-nadonnhakaryenh ne o-neghshonh yehhadikeron ro-nawendaonh wahy denthonwanaghtkawe: neony niyadehhadyh denhhonwadiyadoreghde ne entyuyanenh hawe ne raodiyudenghsera.

14 Neony ne kenhheyon ony o-neghshonh eghyaakody etho jikanyadare ne ojire, Neneken ne ken-ikenh ne teke-ni-hadont jikenhheyon.

15 Neony onghkakiok ne ne yaghtaondetshenry ne nakayhyadonke ne kaghyadonghserakonh ne yonnheonweh kanyadarakeh yenwatyonh ne jiyudekha.

## CHAP. XXI.

**N**EONY Wakatkaghtho ne karon-yase nokhony ne onghwenjase: ikenh ne tyuderonghyatyerenghdonh nokhony ne tyudonghwenjatyerenghdonh wadohhetstane wahhy; ne ony yaghdeskanyadarekowah.

2 Neony lih *John* wakatkaghtho ne jikanadadokenghdy, ase *Jérusalem*, dayutsnenghdonhhatye ne Niyoh-neh daweghde dakayakenne karonghyakeh, aontsheronghyaglikwentho ji-niyught ne yunyakon aontyadaghseronny akarihhonny ne ro-ne.

3 Neony Wakhewennaronke yewennowanenh dayewenninekenne ne karonghyakeh, yondon, Satkaghtoh, ne jirodaghskwahhere ne Niyoh ronnese ne onkwehhokon, neony enskatneh enhhonnakerade, neony raonhha raonkweda enwadon, neony ne Niyoh akwah raonhha enskatneh enhhonneseke, neony ne raodi Niyoh enkenhhake.

4 Neony Niyoh t'kakonde akwekonh enghshakokaghserokewanyon; neony yaghshekonh ne kenhheyon, yahhony ne kanikonghranonghwakdenghsera, ony daonsayonghshenthoh, yahhony shekonh thaonsayeronghyaken: ikenh ne ji-nikarihhdense wahhy wadohhetstane.

5 Neony raonhha ne ne eghrentskwahhere enuitskwaghraghxheradokenghdikeh wahhenron, Satkaghtoh, akwekonh oriwase Enskonny. neony wabhakwenhhaghse, Syadonh; ikenh ne ne ken-ikenh ne na nonwennaokon ne norighwiyu ony teweghdaghkonh.

6 Neony wabhakwenhhaghse, Nenwahhy kaweyennen-daonh. Iih ne Jityutyerenghdonh nokhony ne Jiyeyuderih-hokde, ne jiyudaghsawe neony ne jiyeyutde. Iih enhhiyon ne raonhhakeh oxkennen doka enhho-nyadathenghseke ne jityughnawerinekenhonh ne oghnekanoghs ne yonnaheonweh.

7 Raonhha ne ne rondenshennyonh t'kakonde ennhonwarakwen orighwakwekonh; neony raonhha rao Niyoh enkenhhake niih, neony iih riyyenhah enwadon.

8 Nok ne yakojiyoah; neony ne yaghtadetya neony yaghdetyakaweghdaghkonh, neony ne adatswenhonh, neony ne yakodenryuh, neony ne rodirighwaneren ne kanaghkwa, neony ne radefaghsosha, neony ne kayadonnyh konwarighwanekenny, neony akwekonh ne nyako-nowense, ne ne t'kakonde eghtyako-nakde ne ne kanyadarakonh ne jityudekhaonweh ne ojire neony ne yunen-yadex: ne na ne teke-nihhadont ne jikenhheyon.

9 Neony wahhakyadorenne shayadat ne jadaghk ne ronghyakeghro-non ne ne rahhawe ne jadaghk ne nikatshe-dasa kananhon ne jadaghk ne ne yekakonde nadaryendakaryaghtsera, neony wahhakewennaseron, wahhenron, Karo kaseght, Iih enkonnadonhaghse ne yunyakon, ne ro-ne ne owiraah ne Deyudinakarondonhah.

10 Neony erenh wahhakyadenhhawighde ne kanikonrakonh ne ji-nonka ne yunondowanenh neony e-nekenghjy, neony wahhake-nadonhaghse ne jikanadowanenh ne o-nadadokenghdy *Jerusalem*, tyutsnenghdonh tyuyakenhonh ne karonghyakeh Niyoh-neh dakayenghdaghkwe.

11 Ne ne yoyen ne Niyoh raonwesenghtsera: neony ne naoghswatheghtsera aniyught ne nyadeyutkennyon ne ne kanen-yanoron, shadeyugt ony karhonh anyoh owise nonen-ya, akwah ji-niyught nyunen-yakent;

12 Neony dekanen-yaseronnyonkowah ony e-nekenh, nok tekenyh yawenre yudenhenghrakaronde, neony ne jiyudenhenghrakaghrondon ne tekenyh yawenre ne radiatorhyakeghro-non ne ethoh, neony radighsennare eghkaghyadon, ne ne raodighsenna ne tekenyh yawenre nihhodidarakeh ne shakoyenhokonhah ne *Israel*:

13 Jinonka t'karaghkwinekense aghsenh niyudenhenghrakaronde; othorekeh aghsenh niyudenhenghrakaronde; entyekeh aghsenh niyudenhenghrakaronde; neony ne jiya-dewatshothoghs aghsenh niyudenhenghrakaronde.

14 Neony ne jidetkanen-yadon ne jikanadayen tekenyh yawenre jikanonghsakensere, neony ne ro-nonhha ne raodighsenna ne tekenyh yawenre shakoyadadokenghdy ne aoriwah Deyudinakarondonhah.



15 Neony raonhha ne ne wahhakewennaraseron rahhawe oji-nekwar karistanoron kayenkwire ne ne enhhadenyenden ne jikanadayen, neony ne jiyudenhenghrakaghrondon, neony ne jidekanen-yaseronnyon.

16 Neony ne jikanadayen kayeryh niwadokenronde, neony ne ji-niyons jiony nadewadakaronh shadewa: neony onenh wahhade-nyenden ne jikanadayen warade ne oghstyendane, wisk yawenre tewennyawe yeyutkaghtonh. Ne ji-niyons jiony nadewadakaronh jiony nityutde wahhy shatyawen.

17 Neony wahhade-nyenden ne jidekanen-yaseronnyon ne ethoh, tekenyh tewennyawe nok jadaghk noyery ne tekenyh niyughsidakeh, ne entyuanenhhawe ne ji-nonka ne ji-niwade-nyendenghtserodenh ne onkweh, ne wahhy, ne raronghyakeghron.

18 Neony ne jikayudenhonh ne jidekanen-yaseronnyon karhonh ne deyughstarathe: neony ne jikanadayen oji-nekwaroskon karistanoron, akwah ji-niyught nowisoskon.

19 Neony ne jitkanonghsakenseronnyon jidekanen-yaseronnyon ne jikanadayen karaseghstonh yadewatshaaghdonh ne ji-nikayerenh ne kanen-yanoronshon, Ne ne tyutyerenghdonh jikanonghsakensere ne ne dekaghstarathedonh karhonh; ne ne teke-nihhadont ne ne kanen-yanoron; ne ne aghsenhhadont, *chalcidony*, ne kayerihhadont, *emerald*;

20 Ne wiskhadont, *sardonyx*; ne yaghyakhadont, *sardius*; ne jadaghkhadont, *chrysolite*; ne shadekonhhadont, *beryl*; ne tyughdonhhadont, *topaz*; ne oyerihhadont, *chrysoprasus*; ne enskat-yawenrehhadont, *jacinth*; ne teke-nihhadont-yawenrehhadont, *amethyst*;

21 Neony ne tekenyh yawenre yudenhenghrakaghrondon tekenyh yawenre ne kanen-yanoronshon, akwekonh jikonh yudenhenghrakaronde enskatshon ne kanen-yanoron; neony ne jidekanadokenh ne jikanadayen oji-nekwaroskon karistanoron, akwah ji-niyught jideyughswathe ne owise.

22 Neony Yaghdewakatkaghtonh ne kanonghsadokenghdikowah ne ethoh: ikenh ne Royaner Niyoh Rashatstenghserakwekonh neony ne owiraah ne Deyudinakaronhah neeh kanonghsadokenghdy ikenh.

23 Neony ne jikanadayen yaghtadeyudonghwenjoh-honh ne karaghkwa, yaghony neghnida, neneh ne dayughswathedaghkwen: ok se daghnnon ne raonwesenghtsera ne Niyoh ne deyughswathedaghkonh, neony ne owiraah ne Deyudinakarondonhah ne na deyughswathedonh ne ethoh.

24 Neony ne niyadeyakaonghwenjakeh ne ro-nonhha wahhy ne ne shonwadiyadakwenh t'kakonde jideyughswathe denhhonthahhaghkwe: neony ne koraghkowatshon ne jiyonghwenjade enhhadihhewe ne rao-nonwesenghtsera neony yutkonnyenghst ne etho nonweh.

25 Neony ne jiyudenhenghrakaghronon yaghna thaonsakanhodonke eghniserakwekonh: ikenh yaghshekonh thaonsayukaraghwe ne ethoh.

26 Neony ro-nonhha t'kakonde enhhadihhewe ne onwesenghtsera ony yutkonnyenghs ne niyadeyakaonghwenjakeh ne etho nonweh.

27 Neony yahhothe-non ethoh thiyaondaweyade ji ok nabrihhoden ne orighwaxhenghskwa, yaghony ne ji ok nahhoden yakoyudenhonh adatswenhonh karighwaneraaxherakwekonh, nedenhens ayondennowenghde: nok ro-nonhha ne ne ro-natyadon ne raoghyadonghserakonh ne yonnheonweh ne owiraah ne Deyudinakaronhah.

---

## CHAP. XXII.

**N**EONY wahhake-nadonhaghse ne naoskon ne jikayhonhhadatye ne oghnekanoghs ne nyonnheonweh, kaghnekiyuh akwah ji-niyught ne kawisakenrade, tyughnawinekenhonh ne rao-nitskwaghraghxheradokenghdikeh ne Niyoh neony ne nowiraah ne Deyudinakarondonhah.

2 Shadewaghssennenh ne jidekanadokenhhatye, neony ok thadejaronghkonh kayhonhhadatye, eghkerhide ne yonnheonweh, ne ne okthiyutkwathonh jiwaghyanyontha tekenyh yawenre oya nadewaghyodense, neony niyadeweghnidakeh yughyanyondatye naohhighk: neony ne no-nraghde ne karonda ne nenjakojenaghkwe ne niyadeyakaonghwenjakeh.

3 Neony yaghshekonh thaonsayondadadewendeghde aye-ronghyaken: ne ok ne rao-nitskwaghraghxheradokenghdy ne Niyoh neony ne owiraah Deyudinakarondonhah ne ok t'kakonde enwadaghkwe; neony ne shako-nhase t'kakonde enhhonwayudenghse: *rodaghsats naah*

4 Neony ro-nonhha t'kakonde enhhonwakonghsaken; neony ne raoghsenna t'kakonde etho radikenkwarakeh.

5 Neony yaghshekonh thaonsayukaraghwe ne ethoh; neony yaghtshadehhonadonghwenjonyh nohhokada ne ethoh, yakhony ne kaghswatheghtsera ne karaghkwa; ikenh ne Royaner Niyoh ne enghshakoghswatheghtseron: neony ne ro-nonhha t'kakonde eghyenshadikowanen ne ji-niyenhhenwe neony ne ji-niyenhhenwe. *rodaghsats*

6 Neony wahhakwenhhaghse, Ne neken ne ken-ikenh owennaakon ne na ne teweghdaghkonh nokhony ne norigh-wiyu: neony ne Royaner Niyoh ne ne rodiyadadokenghdy yehhadiriwakenghs nissy naoriwadyh ne deghshako-nhaonh ne raoronghyakeghro-non ne ne enghshakodinadonhagh ne ne ro-nonhhakeh ne shako-nhase ne ne karighwaakon ne ji-nahhoden ne t'kakonde niyurighweshah eghnen-yawenne.

7 Jatkaghthoh, onghwajok Tentke: rodaghskats naah ne raonhha ne ne rotye-nawaghstonh ne owennaakon ne ne royadadokenghdy ne ne yehhoriwakenh nissy naoriwadyh ne ne ken-ikenh kaghyadonghsera.

8 Neony Iih wahhy *John* wakatthaghtonh ne ken-ikenh karighwaakon, neony kheyathonde. Neony ne o-nenh Shi-wakathonde nokhony detkanere wakatthaghtonh, eghdakeh Wakatyadondy raohhendoh etho jidehhaghsidade-nyon ne ne airighwaneken ne raronghyakeghro-non ne ne wabhakenadonhaghse ne ken-ikenh karighwaakon.

9 Ethone wahhakwenhhaghse, Satkaghthoh toghsa yah-heghthajeraneh: ikenh Iih wahhy shaonke-ninhatserat, neony ne onkwadadekenhah ne rodiyadadokenghdy ne ne yehhadiriwakenghs nissy naoriwadyh, neony ne ro-nonhha ne ne radirighwenhhawe ne owennaakon ne ken-ikenh kaghyadonghsera: eghtserighwanekenh Niyoh.

10 Neony wahhakwenhhaghse, toghsa Desneghdorarak ne owennaok ne ne yehhoriwakenh nissy naoriwadyh ne ken-ikenh kaghyadonghsera: ikenh o-nenh okhethoh nen-yenwaderighwihhewe.

11 Raonhha ne ne yaghdeharighwayery, eghkinyugh-onhhak yaghdetharighwayer: neony raonhha ne ne yaghdehhoyanere, eghkinyughdonhhak yaghdehhoyane-  
sek: neony raonhha ne ne roderghwakwarighsyonh, egh-  
kinyughdonhhak roderighwakwarighsyonhhak: neony ra-  
onhha ne ne royadadokenghdy, royadadokenghdy ky kenh-  
hak.

12 Neony, jatkaghtoh, onghwajok Tentke; neony en-  
yake-nikwekonhhatye ne enkheyeritshe, ne ne enghheyon  
ji-niyadeyonkwedakeh entyuyanenhawe. ne ji-nihhoyu-  
denghserodenh eghnen-yawen.

13 Iih naah ne tyutyerenghdonh nokhony ne nyekakonde  
ne oghnaken, ne jityudaghsawe neony ne jityeyutde, ne ty-  
utyerenghdonh neony ne yekakonde.

14 Yakodaghskats ne ne eghnen-yeyere ne ji-niwennyh  
raoghtyawenraghtsera, ne ne onghdony aadiyendane ne yaa-  
diyeride ne jikerhide ne yonnheonweh, ne naontyesen aon-  
daweyade daondohhetste ne jiyudenhenghrakaronde ne ka-  
adakonh.

15 Ikenh yaghwahhy dekontiyadare ne errbar, neony  
ne rondefaghsosha, neony kanaghkwa radirighwanerax,  
neony yakodenryuh, neony ne kayadonnyh, konwarighwa-  
nekenny, neony onghkakiok ne en-ye-noronghkwe neony  
en-yondennowenghde.

16 Iih Yesus yekhe-nhaonh nakeronghyakeghro-non ne  
ne ayetshirihhowanaghden ne isekeh ne ken-ikenh karigh-  
waokon etho o-nonghsadokenghditserakonh. Iih naah  
noghdera nokhony ne kaghwajiradatye ne Dawed, neony  
ne deyuderonwinekenhhonh ne orhonke-neh ojistoghk.

17 Neony ne Kanikonra neony ne ase yunyakon wadon,  
Karo, kinyoh raonhha ne ne rothonde radon, Karo, Neony  
kinyoh raonhha ne ne ro-nyadathenghse Karo. Neony  
onghkakiok ranonwese, kinyoh raonhha deraghk ne ogh-  
nekanoghs ne yonnheonweh watyesenhhah.

18 Neony Wakwarighwaghni ratshe ji-niyadejonkwedakeh ne ne sewathonde ne rowennaokon ne ne yehhoriwakenh nissy naoriwadyh ne jen-ikenh kaghyadonghsera, Doka onghkaok ne onkweh, ne yadesewatyeghst ji-nonka ne ken-ikenh karighwaokon, Niyoh wahhy enhhatkennisaaaghde ne aderyendakaryaghtsera ne ne wahhy kaghyadon ne ken-ikenh kaghyadonghserakonh:

18 Neony doka onghkaok ne onkweh erenh ayehhawighde ne owennaokon ne kaghyadonghsera ne ken-ikenh ne jiyehhoriwakenh uissy naoriwadyh, Niyoh ony erenh enshoyadaghkwide ne kaghyhdonghserakonh ne yonnheonweh, neony ashoyadinekenwe ne o-nadadokenghdikeh, neony ne ji-naka ne karighwaokon ne ne ji-nahhoden wahhy kaghyadon ne ken-ikenh kaghyadonghserakonh.

20 Raonhha ne ne rorighwaghni radonh rorihhowanaghdonh ken-ikenh karighwaokon radon, orighwiyu wahhy onghwajok Tentke; Awent. Etho nayawen, Karo, Sayaner Yesus.


21 Ne raodenrat ne Eghjhidewayaner Yesus Keristus akwekonh aeseweseke. Awent.














AYER

3A

569



